



ՄԱՅՐ ԱՅՈՒՈՒ ՍՈՒՐԲ ԷԶՄԻԱՃՆԻ
ԿՐՈՆԱԿԱՆ, ՄԵԿՎՈՒԹԱՅԻՆ,
ԼՐԱՏՎԱԿԱՆ ԵՐԿԵԱԲԱԹԱԹԵՐԹ

Ն. Ս. Օ. Տ. Տ. Փարեգին Բ Ամենայն Հայոց Կաթողիկոսի խոսքը կրթության մեակների օրհնության արարողությանը

Ոգոստոսի 30-ին, 2019–2020 թթ. ուսումնական նոր տարեշրջանին ընդառաջ, Ս. Փայանե վանքում, նախագահությամբ Ն. Ս. Օ. Տ. Տ. Փարեգին Երկրորդ Ծայրագույն Պատրիարք եւ Ամենայն Հայոց Կաթողիկոսի, տեղի ունեցավ կրթության մշակների օրհնության ավանդական կարգը։ Մայր Աթոռ Սուրբ Էջմիածնի քրիստոնեական դաստիարակության կենտրոնի կողմից կազմակերպված արարողությանը ներկա էին ՍԺ գիտության, կրթության, մշակույթի, երիտասարդության եւ սպորտի մշտական հանձնաժողովի անդամներ, ՀՀ կրթության տեսչական մարմնի, մարզային կրթության վարչությունների ղեկավարներ, բարձրագույն ուսումնական հաստատությունների եւ քոլեջների ղեկավարներ, ՀՀ ՁՈՒ ռազմակրթական համալսարանների պետեր, Երեւանի եւ մարզերի հանրակրթական դպրոցների տնօրեններ եւ բազում մանկավարժներ։

Օրհնության կարգի ավարտին Ամենայն Հայոց Կաթողիկոսն իր հայրապետական օրհնությունն ու գնահատանքը փոխանցեց կրթության ոլորտի երախտավորներին։

Վերջում, ի պատիվ հրավիրյալների, տեղի ունեցավ ընդունելություն։



Սիրելի բարեպաշտ ժողովուրդ, կրթության ասպարեզի պատասխանատուներ եւ մանկավարժներ,

Մեծապես ուրախ ենք Մայր Աթոռ Սուրբ Էջմիածնում ողջունելու եւ հայրապետական մեր օրհնությունն ու բարեմաղթանքները բերելու ամենօրյա՝ նոր ուսումնական տարվա առիթով։

Գոհունակ սրտով կատարեցինք կրթության մշակների օրհնության արարողությունը, ավանդույթ, որը սկզբնավորվել է դեռես 2010 թվականին ՀՀ կրթության եւ գիտության նախարարության հետ Մայր Աթոռի գործակցության արդյունքում՝ արժեւորելու կրթության դերակատարությունը ազգային եւ հայրենական մեր կյանքում եւ հայցելու երկնավոր մեր Տիրոջ հովանին ու գորակցությունը նվիրական ձեր առաքելությանը։

Հայաստանյայց Առաքելական Սուրբ Եկեղեցին մշտապես կարեւորել է մանկավարժի եւ ուսուցչի առաքելությունը՝ հստակ գիտակցությամբ, որ նրանց ձեռքերում է կերտվում ազգի ապագան, նրանց շնչի ներքո են հասկառնում հայորդիները՝ իբրեւ ազնիվ սերմնահատիկ մեր ժողովրդի ազատ ու անկախ, բարօր ու առաջընթաց կյանքի եւ լուսավոր ապագայի։ Դարերի հոլովությամբ մեր վանական համալիրների հովանու ներքո հիմնվել են դպրոցներ, համալսարաններ ու գրադարաններ, ծաղկել են հազարավոր ձեռագիր մատյաններ՝ լուսավորելու հայ կյանքը գիտության ձեռքբերումներով։ Եկեղեցու հոգաժողովում տարբեր ժամանակներում բազմաթիվ անհատներ կրթություն են ստացել նաեւ արտերկրի հռչակավոր համալսա-

րաններում՝ հետագայում իրենց վաստակով համալրելով ազգի մեծերի բույլը։ Այսօր էլ Հայոց Եկեղեցին թե՛ հայրենիքում, թե՛ սփյուռքում



ջանում է իր գորակցությունը բերել կրթության եւ գիտության զարգացման սրբազան գործին։

«Խրատ ձեռք բերեք եւ ոչ թե արծաթ, գիտություն, քան թե ընտիր ոսկի։ Իմաստությունը լավ է անգին քարերից, եւ թանկարժեք ոչ մի բան չի հավասարվի նրան» (Առակաց Ժ 11),– պատգամում է Սուրբ Գիրքը։ Այս

ճշմարտությամբ է առաջնորդվել մեր ազգը պատմության անգամ ամենածանր եւ ողբերգական շրջաններում՝ աննվազ պահպանելով սերն ու ձգտումը լուսավորության համղեայ՝ հայոց մտքի ստեղծած գոհարների եւ անգամ մեկ ձեռագրի փրկությունը դիտարկելով իբրեւ երաշխիք ազգի հարատևության։

Կրթության ասպարեզի սիրելի՛ մշակներ, ազնվագույն ու ամենապատվական ծառայությունն է, որ բերում էք մեր ժողովրդին, որովհետեւ ձեր կողմից սերմանված արժեքներն ու փոխանցված գիտելիքներն են ձեւավորում մեր ժողովրդի ազգային դիմագիծը, պայծառացնում հոգու տաճարը՝ համուն աշխարհասփյուռ հայ կյանքի առաջընթացի։ Այս իմաստով խիստ կարեւոր է ձեր նախանձախնդիր, համբերատար եւ հետեւողական աշխատանքը յուրաքանչյուր մանուկի, պատանու եւ երիտասարդի հետ՝ նրանց հոգեկերտվածքի մեջ տեսնելով նոր լուսավորիչների, մաշտոցների, վարդանների, թումանյանների, կոմիտասների, մանթաշյանների, ամդրանիկների եւ մոնթեների։

Այսօր աշխարհում նկատելի են ազգային ու ավանդական կարեւորությունը նվազեցնելու, ժողովուրդների կյանքում դարերով բյուրեղացած ընկալումները խեղաթյուրելու միտումներ, որոնք մեր մարտահրավեր են նետում նաեւ մատաղ սերնդի կրթության ու դաստիարակության գործին։ Ձեր ամենօրյա աշխատանքի եւ նախանձախնդրության շնորհիվ է, որ կարող պիտի լինենք զերծ պահել մեր երկիրը ազգային ու հոգեւոր մեր ինքնությանը ոչ հարիր, անցանկալի երեւոյթներից։

Մեր Եկեղեցում այս տարին հռչակված

Ն. Ս. Օ. Տ. Տ. Փարեգին Բ Ամենայն Հայոց Կաթողիկոսի Շնորհավորական ուղերձը Գիտելիքի, գրի եւ դրության օրվա առիթով

Գիտելիքի, գրի եւ դպրության օրվա առիթով Մայր Աթոռ Սուրբ Էջմիածնից հայրապետական Մեր օրհնությունն ու բարենաղթանքներն ենք բերում կրթության ոլորտի բոլոր պատասխանատուներին, մանկավարժներին ու դասախոսներին, աշակերտներին եւ ուսանողներին։

Այսօր վերստին բացվում են դռները հայրենի ուսումնական հաստատությունների, բացվում են դռները հայ գրի եւ դպրության ազգային դարբնոցների։

Մեր ժողովուրդը բոլոր ժամանակներում առանձնահատուկ կարեւորություն է ընծայել գիտելիքին ու դպրությանը՝ աստվածապարգեւ հայոց այբուբենի յուրաքանչյուր տառը դիտարկելով հայոց ինքնության պահպանության կոչված զինվոր եւ դպրոցը՝ որպէս ազգի հարատւման անխտրտակելի ամրոց։

Կրթության ոլորտի սիրելի՛ մշակներ, երախտարժան առաքելություն եք դրք իրականացնում մեր երկրի կյանքում՝ գիտելիքի հանդեպ ձեր հոգու սերն ու նվիրումը փոխանցելով ձեր սաներին՝ ամուր եւ անհոգնաբեկ ջանքերով ծաղկուն պահելով մեր կրթօջախները։ Այս նվիրական օրը ուժ եւ եռանդ ենք մաղթում ձեզ՝ սահակ-մեսրոպյան ոգով եւ ներշնչմամբ շարունակելու բարի ներդրում բերել կրթության եւ դաստիարակության ասպարեզում։

Սիրելի՛ աշակերտներ եւ ուսանողներ, մեր ժողովուրդը մեծ սպասումներ ունի ձեզանից։ Մեր հորդորն ենք բերում ձեզ, որ քաջեռանդ ու հետեւողական լինեք ուսման մեջ՝ ձեր միտքն ու հոգին բացելով իմացության լույսի առջեւ, որպէսզի հասակ առնեք իբրեւ հավատալի, լուսավոր անձեր՝ գորավոր՝ ձեր հոգով, ամուր՝ ձեր գիտելիքներով եւ նախանձախնդիր՝ հայոց աշխարհի ապահով ու երջանիկ հարազատ ընթացքի կերտման սրբազան առաքելության մեջ։

«Տերն է տալիս իմաստությունը, եւ Նրանից են բխում գիտությունն ու հանճարը» (Առակ. Բ 6),– ասում է Սուրբ Գիրքը։ Աղոթում ենք, որ բարին Աստված առատապէս օրհնի ու շնորհագարդի ձեզ՝ ընթանալու աստվածահանձն ճանապարհներով եւ ձեզ փոխանցված գիտելիքը ծառայեցնելու ի բարին։

Թող Բարձրյալի հովանու ներքո նոր ուսումնական տարին արգասավորվի նորաւոր ձեռքբերումներով՝ ի պայծառություն մեր հայրենիքի եւ ի գորացումն հայոց կյանքի։

Շարունակությունը՝ էջ 2

Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի խոսքը կրթության մեակների օրհնության արարողությանը

Սկիզբը՝ էջ 1

Ավանդականն ու ազգայինը մեր ինքնությանն ու դիմագծին այն ամուր հիմքն են, որի վրա միայն խաղաղության պիտի լինի մեր ժամանակներին համահունչ 21-րդ դարի ազգային մեր առաքելությունը:

Սիրելիներ, գիտական մտքի անմասնադատ գարգացման մեր օրերում մեր ժողովուրդը առավել, քան երբեք կրթությանն ու գիտությանն ասպարեզում պետք է կարողանա աշխարհին համաքայլ ընթանալ և ի հարկի իր ձեռքբերումներով անգամ ավելին անել՝ ի գործն լինելու ապահովելու հայրենի մեր երկրի խաղաղ, անվտանգ ու ծաղկալի կյանքը, իրականացնելու մեր ազգային իղծերն ու դարավոր ձգտումները:

Այս առումով կրթության մշակներից երախտարժան գործի բարձր գնահատանքով՝ Մեր աղոթքն ենք բարձրացնում առ Աստված՝ հայցելով Տիրոջ առատ օրհնությունները ձեզ՝ անսպառ եռանդով, անմնացորդ նվիրումով եւ պատասխանատվությամբ շարունակելու մեր զավակների կրթության եւ լուսավորությանն աստվածահաճո ծառայությունը:

Թող ամենողորմ Աստծու հովանին, օրհնությունն ու առատ շնորհները անպակաս լինեն ձեզանից: Թող Տերը խաղաղությանն ու պայծառությանն մեզ պահի հայրենի մեր պետությունը եւ պարզեւի աշխարհասփյուռ մեր ժողովրդին հաջողություններով առնելուն բարձր կյանք:

Բարի երթ ուսումնական մեր տարեշրջանին:

Ամենայն Հայոց Կաթողիկոսը մասնակցեց «Էօրնեկեան» հանրակրթական դպրոցի ուսումնական տարվա բացմանը

Սեպտեմբերի 1-ին՝ Մայր Աթոռ Սուրբ Էջմիածնի «Էօրնեկեան» հանրակրթական դպրոցում, նախագահությամբ դպրոցի հիմնադիր Ն. Ս. Օ. Տ. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսի, տեղի ունեցավ 2019–2020 թթ. ուսումնական տարվա բացման հանդիսավոր արարողությունը:

Տերունական աղոթքից, ՀՀ պետական եւ դպրոցի օրհներգերից հետո ներկայներին ողջունեց դպրոցի տնօրեն տիկ. Սուսաննա Վարդանյանը՝ բարի երթ մաղթելով առաջին դասարանցիներին եւ մեր նվաճումներն ու ձեռքբերումներն ուսումնական գործընթացում:

Հյուրերի անունից ներկայներին ողջունեց դպրոցի հոգաբարձուների խորհրդի անդամ, ՀՀ Աժ գիտության, կրթության,

մշակույթի, սփյուռքի, երիտասարդության եւ սպորտի հարցերի մշտական հանձնաժողովի նախագահ տիար Մխիթար Հայրապետյանը՝ աշակերտներին կոչ անելով ամեն ժամ բազմապատկել իրենց գիտելիքները եւ միշտ պատրաստակամ լինել իրենց իմացությունը հարստացնելու:

Հանդիսության ընթացքում իր սրտի խոսքն ասաց նաեւ դպրոցի տեսուչ Զաքարիա Ծ. վրդ. Բաղումյանը՝ շնորհակալություն հայտնելով Վեհափառ Հայրապետին ամենօրյա ուշադրության համար՝ ընդգծելով, որ «Էօրնեկեանցին» պետք է տարբերվի իր համակողմանի արժեքային համակարգով, գիտելիքներով, բարձր պատասխանատվությամբ եւ նկարագրով: Ապա տեսուչ հայր սուրբը հրավիրեց Վեհափառ Հայրապետին՝ իր հայրական օրհնությունը բաշխելու ներկաներին:

Նորին Սրբությունը, շնորհավորելով ամենքին՝ մեր ուսումնական տարվա առիթով, հույս հայտնեց, որ այն կդառնա բազմակողմանի գիտելիքների ամբարան, մորամոր ձեռքբերումներով եւ հաջողություններով լի մի շրջան: Վեհափառ Հայրապետը նաեւ բարձր գնահատեց տեսչի, տնօրինության եւ ուսուցիչների շնորհակալ աշխատանքը՝ ուրախությամբ արձանագրելով, որ մրանք ջերմեռանդությամբ եւ ապագայի հանդեպ աներեր հավատով ու հույսով շարունակում են մատաղ սերնդի դաստիարակությունն ու անանց արժեքներով մրանք միտքը կրթելու սրբազան առաքելությունը:

Վերջում Նորին Սրբությունը դիմեց աշակերտներին՝ ասելով. «Սիրելի՛ «Էօրնեկեանցիներ», ամենքիդ էլ քաջ հայտնի է Հայրապետիս անսահման սերն ու կապվածությունն այս կրթօջախի եւ հատկապես ձեր հանդեպ, քանզի ձեզանից յուրաքանչյուրն իր ուրույն տեղն ունի իմ սրտում եւ հոգում: Գաղտնիք չէ, որ մեր երկնառաք աղոթքներում մշտապես հայցում ենք Տիրոջ իմաստությունն ու օրհնությունը ձեզ համար, որպեսզի ճիշտ եւ նպատակային օգտագործեք ձեր ժամանակն ու շնորհված հնարավորությունները՝ արդարացնելով ինչպես մեր, այնպես էլ ձեր ծնողների եւ ուսուցիչների երազներն ու սպասումները: Ուստի զորացե՛ք գիտության լույսով, առավել աշխատասիրությամբ ու նվիրումով սերտեք տրված դասերն ու հանձնարարականները՝ միշտ բարձր պահելով «Էօրնեկեանցու» պատիվն ու մեր եկեղեցու անունը»:

Հանդիսության ընթացքում գեղարվեստական հայտագրով հանդես եկան դպրոցի երգչախումբն ու պարախումբը:



ԸՆԴՈՒՆԵԼՈՒԹՅՈՒՆՆԵՐ ՎԵՀԱՐԱՆՈՒՄ Ամենայն Հայոց Կաթողիկոսն ընդունեց

2 սեպտեմբերի Զալցբուրգի համալսարանի ներկայացուցիչներին



Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսը Մայր Աթոռ Սուրբ Էջմիածնում ընդունեց Զալցբուրգի համալսարանի (Գերմանիա) Քրիստոնյա Արեւելքի հետազոտությունների կենտրոնի տնօրեն, դոկտ., պրոֆեսոր Յասմին Դուս-Թրագուտին եւ համալսարանի դասախոսական կազմի ներկայացուցիչներին:

Պրոֆ. Յասմին Դուս-Թրագուտը Ամենայն Հայոց Կաթողիկոսին ներկայացրեց, որ Հայաստան իրենց այցի առիթը «Հայրենիքից հեռու, հայրենիքում. հայ ռազմիկների ճակատագիրն Առաջին աշխարհամարտում» ցուցադրության բացումն է եւ համանուն պատկերագրի շնորհանդեսը: Ցուցադրության հեղինակն իր խոսքում շնորհակալություն հայտնեց ընդունելության համար՝ նշելով, որ համալսարանական խմբի անդամներից յուրաքանչյուրն իր ներդրումն ունի այս գործում եւ հետաքրքրված է հայագիտական ուսումնասիրություններով:

Այնուհետեւ Ամենայն Հայոց Կաթողիկոսն իր օրհնությունը բերեց հյուրերին՝ մասնավորապես գնահատելով պրոֆ. Յասմին Դուս-Թրագուտի երկար տարիների հայագիտական գործունեությունը: Վեհափառ Հայրապետն ուրախություն հայտնեց ցուցադրության

բացման առիթով՝ նշելով, որ դա այն յուրահատուկ սիրտ վկայությունն է, որ ունի մշակավոր հայագետը հայ ժողովրդի հանդեպ: Այս առումով Նորին Սրբությունը կարելի էր նաեւ համալսարանի ներկայացուցիչների ներկայությունը Հայաստանում եւ մրանց հետաքրքրությունը հայոց պատմությանն ու մշակույթի հանդեպ:

Զրույցի ընթացքում խոսվեց նաեւ եկեղեցականների պատրաստության, ինչպես նաեւ արտերկրի բարձրագույն կրթական հաստատություններում եկեղեցականների հետագա ուսումնառության մասին: Նորին Սրբությունը գոհունակությամբ արձանագրեց, որ Սուրբ Էջմիածնի միաբաններն իրենց բարձրագույն կրթությունը շարունակում են Եվրոպայի, Ռուսաստանի, ԱՄՆ-ի, Եգիպտոսի եւ այլ երկրների մշակավոր համալսարաններում եւ քույր եկեղեցիների հոգետր հաստատություններում, ինչը նպաստում է նաեւ փոխմանաշողությանը եւ տարբեր եկեղեցիների հետ կապերի առավել սերտացմանը:

Հանդիպման ավարտին Ամենայն Հայոց Կաթողիկոսը եւս մեկ անգամ իր գնահատանքը հայտնեց ցուցադրության կազմակերպման առիթով՝ հայցելով, որ Տերը օրհնի եւ արդյունավորի գիտնականների հետագա գործունեությունը:

5 սեպտեմբերի Բուենոս Այրեսի Մխիթարյան վարժարանի սաներին

Ամենայն Հայոց Կաթողիկոսը հյուրընկալեց Բուենոս Այրեսի (Արգենտինա) Մխիթարյան վարժարանի 11-րդ լսարանի սաներին՝ ուղեկցությամբ Հայաստանի Մխիթարյան կենտրոնի տնօրեն Եղիա Ծ. վրդ. Քիլադայանի:

Նորին Սրբությունը իր հայրական սերն ու օրհնությունը բերեց հայորդիներին՝

ուրախություն հայտնելով համայն հայության նվիրական հոգետր կենտրոն այցելելու առիթով: Վեհափառ Հայրապետը վարժարանի սաներին ներկայացրեց Մայր Աթոռ Սուրբ Էջմիածնի պատմությունը, խոսեց հայ ժողովրդի կյանքում Սուրբ Էջմիածնի կարեւոր դերակատարության մասին՝ հաստատելով, որ Մայր Աթոռը Աստծո կողմից հայ ժողովրդին տրված շնորհ է, եւ քրիստոնեական հավատքի շնորհով հայորդիները կարողացել են հաղթահարել պատմության ընթացքում իրենց բաժին հասած բոլոր փորձությունները: Ըստ Ամենայն Հայոց Կաթողիկոսի՝ Սուրբ Էջմիածինը հայ ժողովրդին մշտապես առաջնորդել է փրկության ուղիով:

Նորին Սրբությունը վերհիշեց նաեւ Արգենտինա կատարած իր վերականգնողական այցելության շրջանակներում իր այցը Մխիթարյան վարժարան, գնահատանքով խոսեց կրթական հաստատության բարերարների ազդեցությունը եւ մարդասիրական ծառայության մասին:



Գարեգին Երկրորդ Ամենայն Հայոց Կաթողիկոսը հորդորեց վարժարանի սաներին, որ որտեղ էլ ապրեն, կարողանան զգալ Սուրբ Էջմիածնի գործունեությունն ու օրհնությունն իրենց կյանքում, ներշնչվեն հայ ժողովրդի հերոսական պատմության դրվագներով, հայկական հոգետր եւ մշակութային արժեքներով:

Զրույցի ընթացքում Հայոց Հայրապետը պատասխանեց նաեւ պատանիների հետաքրքրող հարցերին, որոնք վերաբերում էին Ամենայն Հայոց Կաթողիկոսի հոգետր ծառայությանը եւ Հայաստանյայց Առաքելական եւ Հռոմի Կաթոլիկ եկեղեցիների հարաբերություններին:

Վերջում Նորին Սրբությունը սաներին մաղթեց բարի կեցություն, ուրախ եւ հոգետր ապրումներով լեցուն օրեր Հայաստանում:

Լրատվական նյութերը՝ Մայր Աթոռ Ս. Էջմիածնի տեղեկատվական համակարգի

Ամենայն Հայոց Կաթողիկոսի շնորհավորագիրը Արցախի ժողովրդին՝ Հանրապետության օրվա առիթով

Սեպտեմբերի 2-ին Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսը շնորհավորական ուղերձ է հղել Արցախի Հանրապետության նախագահ տիար Բակո Սահակյանին եւ հավատավոր ժողովրդին՝ Հանրապետության օրվա առիթով:

«Մայր Աթոռ Սուրբ Էջմիածնից հայրապետական Մեր օրհնությունն ու շնորհավորանքներն ենք հղում ձեզ՝ Լեռնային Ղարաբաղի պետական այրերին եւ մեր ողջ հավատավոր ժողովրդին՝ Արցախի Հանրապետության օրվա առիթով:

Արդեն 28-րդ տարի անընդմեջ ազգովի տոնախմբում ենք պատմական անարդարություն-

ների դեմ մղող մղումն ազգային ազդարարող՝ Արցախի անկախության հռչակման տարեդարձը: Տոնում ենք արդար հպարտությամբ հաղթությունը մեր զավակների հերոսական պայքարի, որի շնորհիվ Արցախը դարձավ համայն մեր ժողովրդի ազատ ու արժանապատիվ կյանքի մեր հույսերի փարոսը: Պատեղ արգանական դժվարին տարիներին մեր ժողովրդի զավակների հեղած արյունը նվիրագործվեց արցախյան հողը, որի երջանիկ ու անվտանգ կյանքի համար տակավին հարկադրված ենք պայքարել՝ երբեմն անգամ մեր զավակների կյանքի գնով:

Բարձր ենք գնահատում խիզախ ոգին ու նվիր-

ումը արցախաբնակ մեր զավակների, հայրենի սահմաններն անառիկ պահող մեր քաջարի զինվորների, որոնց հանձնառության շնորհիվ զորեղ ու լավատես են նաեւ աշխարհասփյուռ հայոց հոգին եւ կյանքը:

Աղրբեջանի բռնությունից ազատագրման այս օրը վերստին հաստատում ենք մեր Սուրբ Եկեղեցու զորակցությունը Արցախին եւ մրա բարեսեր ժողովրդին: Հայոց եկեղեցին իր օրհնությամբ եւ ողջ ներուժով շարունակելու է սատարել հայրենի պատմական հողի վրա վերականգնված ազատ ու անկախ պետականության ամրապնդման սրբազան առաքելությանը: Դրա ամուրաճախ վկայությունը

նաեւ հոգեփրկչական օրհնաբեր գործունեությունն է Արցախի թեմի, որի հիմնադրման 30-ամյա տարեդարձը մշակավորվեց Ստեփանակերտի մորալուսույց Սուրբ Աստվածածին առաջնորդանիստ եկեղեցու ծծումով: Մայր Աթոռ Սուրբ Էջմիածնից Մեր հայցն ենք առ Աստված բարձրացնում, որ երկնավոր Տերը զորակից լինի Արցախի մեր հերոս ժողովրդին՝ պարգևելով աննկուն կամք ու ոգի՝ հաղթահարելու պատրաստությամբ պատերազմի բոլոր դժվարությունները: Թող բարձրալ Տերը խաղաղ ու անսասան պահի Արցախ աշխարհը, շեն ու պայծառ՝ արցախահայության կյանքը», – ասված է Վեհափառ Հայրապետի շնորհավորագրում:

Եկեղեցին որդես ընտանիք եւ կենսագործունեության օղակ



Բոլսվերտ Սխելտե Ադամս (1581–1659), «Սուրբ ընտանիք», ՉԱՊ

«Քեզ գրում եմ այս բանը, որովհետեւ հույս ունեմ, որ շուտով կգամ: Իսկ եթե ուշանամ, դու կհամաձայնես ինչպես պետք է վարվես Աստծու տան մեջ, որ կենդանի Աստծու եկեղեցին է՝ սյուն եւ հաստատություն ճշմարտության» (1 Տիմոթ. Գ 14–15):

Աստվածաշնչում բազում են վկայություններն ու զուգահեռները «եկեղեցի» եւ «ընտանիք» հասկացությունների, ինչպես նաեւ դրանց գործառնությունների եւ հարաբերակցության վերաբերյալ: Բովանդակային առումով եւ ոչ պատահականորեն այս երկու հիմնարար ինստիտուտները երբեմն-երբեմն նաեւ բառացիորեն նույնանում են

(հմմտ. Մատթ. ԺԸ 20, Գաղ. Զ 2), քանի որ երկու դեպքում էլ խոսքը միմյանց եւ Աստծո հետ հաղորդակցության, սիրո եւ հոգեւոր առաքելության (հմմտ. Մատթ. ԺԹ 6, Հովհ. ԺԳ 35) եւ վերջնաարդյունքում երկնային արքայությանն անդամագրվելու մասին է (Ա Տիմ. Դ 1–8, Եբր. ԺԳ 4, Հայտ. Զ 9–11): Հետաքրքրական է Աստվածաշնչի ուղիղ անդրադարձը, երբ եկեղեցու կարեւոր դերակատարությունը բացատրվում է ընտանիքի օրինակով, իսկ հատկորոշելու համար ընտանիքի կարեւորությունը՝ տրվում է եկեղեցու օրինակը. «Մարդիկ, սիրեցեք ձեր կանանց, ինչպես որ Քրիստոս սիրեց եկեղեցին եւ իր անձը մատնեց նրա համար» (Եփես. Ե 21–33, տես նաեւ Մատթ. ԺԹ 6, Ա Հովհ. Դ 21, Ա տիմ. Ե 8): «Այսպես եւ ինչպես որ յուրաքանչյուր հավատացյալ անհատ թե՛ բաղկացուցիչ եւ թե՛ գործունյա անդամ է յուր եկեղեցուն (Ա Կոր., ԺԴ 12. Բ Կոր.,

ԺԲ 12), այնպես էլ յուրաքանչյուր եկեղեցի բաղկացուցիչ եւ գործունյա տարր է Աստծո արքայության: Անհատով է իրականանում եկեղեցին, եւ եկեղեցով է իրականանում Աստծո արքայությունը, ինչպես չի կարող եկեղեցի լինել առանց անհատների, այնպես էլ չի կարող Աստծո արքայությունը լինել առանց եկեղեցիների... Այդպես եւ Աստծո արքայությունն իրականացնում է մարդու կոչումը յուր եկեղեցով... Այս է նաեւ մարդկային պատմության բնական ընթացքը, ըստ որում՝ միացեղ, միալեզու, միաբնույթ եւ պատմականապես միակենցաղ անհատներից կազմվում է ազգը, որ հառաջ է գնում անհատների աշխատանքով,

եւ որի շնորհները վայելում է յուրաքանչյուր անհատ, հապա որոշ ազգերից կազմվում է ամբողջ մարդկություն, որը հառաջադիմում է ազգերի հառաջադիմությանը, եւ որի հառաջադիմության արդյունքները վայելում են եւ առանձին ազգերը: Հետեւաբար աշխարհի ընթացքը անհատական հիմքի վրա է հաստատված. այդպես է եւ Աստծո արքայությունն, որի հիմք կազմող անհատը հավատացյալն է ու յուրաքանչյուր եկեղեցի, եւ որի շնորհները ստանում է անհատը յուրաքանչյուր եկեղեցով: Ազգությունն ու եկեղեցու ազգայնությունը անխզելի տարրեր են տիեզերական կյանքի մեջ» (Արշակ Տեր-Սիսեւյան, «Հայաստանյայց Սուրբ եկեղեցու Քրիստոնեականը» – Ս. Էջմիածին 2007 թ. էջ 261–262): Նկատի ունենալով սույն դիտակետը՝ փաստելի է, որ.

1. Ընտանիքը (հմմտ. Մատթ. Ե 48, Զ 7–8, Գործք ԺԵ 26, 29, 1 Պետ. Ե 7) սկզբնավորվում է Աստծո օրհնությունից:

2. Աստված աշխարհն ստեղծել է որպես մեկ միասնական ընտանիք, որի կենտրոնը մարդն է (հմմտ Ծննդ. Ը 21, Թ 37, Ղուկ Գ 38, Ա Թես. Դ 6–7):

3. Ամեն անգամ, երբ մարդը, բաժանվելով իր հայրական ընտանիքից, սուրբ խորհրդով նոր ընտանիք է կազմում, «երկուսը մի մարմին են դառնում» (Ծննդ. Բ 22, 24), մի նոր ընտանիք է ձևավորվում երկնային արքայության մեջ (Ա Տիմ. Դ 1–8, Եբր. ԺԴ 4):

4. Եկեղեցու առաքելության անբաժան մասն են մարդկության իբրեւ միասնական ընտանիքի փրկագործումն ու Աստծո արքայության իրագործումը, որոնց վերջնական կատարումը հավիտենական կյանքն է:

5. Քրիստոնեական հավատքը եւս ներկայացնում է միայն մեկ (Ընդհանրական եւ Առաքելական Սուրբ եկեղեցին) ընտանիք, որի գլուխն Ինքը՝ Քրիստոսն է (Եփես. Ե 23,

Կողոս. Ա 18), հիմքը՝ ուղղափառ հավատքի դավանությունը (Մատթ. ԺԶ 16–19):

6. Ընտանիքն է այն դարբնոցը, որը կոչված է կենսականացնելու Աստծուց պարգեւ տրված արարչագործելու շնորհն ու շարունակական իմաստով ապահովելու հոգեւոր անվտանգությունը (Ծննդ. Բ 21, Ե 3, Սաղմ. ԿԱ 7, Հովհ. ԺԶ 21, Եփես. Ե 33):

Ուրեմն՝ ընտանիք է եկեղեցին, կամ այլ խոսքով՝ եկեղեցին Աստծո ընտանիքն է (հմմտ. Հովհ. Ժ 30, Ղուկ. ԻԲ 42): Քանի որ մարդկանց՝ Աստծո հետ միանալով է, որ իրականանում է Աստծո արքայությունը (Գաղ. Բ 20, Հռ. 6. 10, 2 Կոր. 6. 16, 14. 4): Այս սկզբունքը միանգամայն ըմբռնելի է, որովհետեւ մարդու կոչումն էլ Աստծո հետ հաղորդակից լինելն է, ինչպես գրում է Սուրբ Եղիշեն. «Միշտ Աստուած ինքն ընդ իւր, միշտ հաւատացեալ՝ ընդ նմա Աստուած»: Իսկ ս. Վարդան Մամիկոնյանն ասում է. «Մեք թէպէտ եւ մարմնով յերկրի ենք, այլ հաւատովք յերկինս ենք շինեալ» (Եղիշե, 79) (նույն տեղում, էջ 175, 264):

Եկեղեցու ընտանեկան բնույթի ու դերակատարության մասին է ասվածաշնչական «Ինչպես Ադամով բոլորը մեռնում են, նույնպես եւ Քրիստոսով ամենքը պիտի կենդանան» (հմմտ. Ա Կոր. ԺԶ. 21, 22, Բ Կոր. Զ 14–15) անդրադարձը: Այս դիտակետից հիշարժան է, որ եւ նախամարդու, եւ Քրիստոսի օրինակատարությունն ու հաղթանակը մեր օրինակատարությունն են, մեր արդարությունն ու հաղթանակը (հմմտ. Մատթ. Գ 15, Զ 17, Եբր. Ժ 7, Հովհ. ԺԵ 33): Հայր Աստված Քրիստոսով հայտն է մեզ, որովհետեւ Քրիստոս մեր նախահայրն ու գլուխն է, մենք՝ Նրա ժառանգները (այս սկզբունքով պայմանավորված է, որ եկեղեցական ընտանիքի անդամների՝ հայրերի, հայրապետների ու սրբերի բարեկամական ձեռքբերումները մերն են համարվում):

Շարունակությունը՝ էջ 5

Արհեստի դերի կարեւորումը Ղ. Աղայանի «ԱՆԱՀԻՏ» հեփաթում

Նայոց մշակութային արժեհամակարգում դիպակը (ոսկեթել կամ արծաթաթել մետաքսյա սուրբ գործվածքը) կարեւոր մշակություն ունի: Դիպակագործությունը հարուստ է խորհրդապատկերային համակարգով, գրավիչ գունային երանգներով, պատմության եւ մշակույթի արտացոլման յուրօրինակությամբ: Դիպակագործությամբ հատուկ որոշ առանձնահատկություններ կան նաեւ գորգագործության մեջ: Դիպակներում եւ գորգերում հանդիպում են հատուկ զարդապատկերներ, խորհրդապատկերներ, որոնք երբեմն ծածկակազերի մշակություններ են կիրառվում: Արհեստի այս տեսակներին թերեւս հատուկ է արվեստի գործերը դրանցում պատկերագրելու յուրահատկությունը:

Այս ուսումնասիրության մեջ մենք քննության մյուս ենք դարձրել ազգային արժեքներ կայացնող դիպակը, որը հայ առաջին հեքիաթագիրներից մեկի՝ Ղազարոս Աղայանի (1840–1911) «Անահիտ» նովելային հեքիաթում միանգամայն այլ նշանակություն է հանդես գալիս: Հեքիաթը՝ որպես գրական ժանրատեսակ, Աղայանի տարեքն էր թերեւս այնքանով, որ նա հեքիաթ էր գրում ոչ միայն փոքրերի համար, այլեւ մեծերին եւս կոչ անում, որ կարդան դրանք. «Իմ նպատակն է եղել՝ հեքիաթով հեքիաթական աշխարհը մտցնել երեխային եւ այդ աշխարհում կրավորական դեր չտալ նրան, այլ ներգործական, որ երեխան իր երեւակայությամբ մտնէ հերոսի դերի մեջ, այն անէ, ինչ որ հերոսն է անում, նրա պես քաջասիրտ լինի, նրա պես անվեհեր, նրա պես հմարագետ, նրա պես վեհամձն եւ ազնիվ» (Աղայան Ղ., Երկերի ժողովածու չորս հատորով, հ. 3, Եր., 1963, էջ 213):

Ավելի ուշ ամերիկացի հոգեբան Բրունո Բիթերլիշը նույն միտքն էր արտահայտելով գրելով. «Մանկական ստեղծագործությունն

առհասարակ ու հեքիաթը մասնավորապես լավագույն միջոցն են, որ երեխան գեղարվեստական ստեղծագործության տիրույթում հանդիպադրվի կյանքի կերպափոխված դժվարություններին, կյանքում առաջին անգամ հարաբերվի հնարավոր դաժանություններին եւ փորձություններին, հերոսի արարքներից ու քայլերից դաս քաղի» (Beetelheim B., The uses of enchantment, New York, 1976, էջ 8): Աղայանական հեքիաթների աշխարհը՝ որպես ժողովրդական բանահյուսության հարուստ նյութի եւ հեղինակային լուծումների ձուլված ամբողջություն, բովանդակային տարբեր նրբերանգներով երեխայի հոգեբանության, երեւակայության, ստեղծագործական ունակությունների դրսևորման եւ զարգացման հնարավորություն է ընձեռնում: Շեշտադրելով հեքիաթի բարոյական եւ մտավոր զարգացմանը նպաստող դերը՝ Աղայանն այս ժանրատեսակը համեմատում էր երեխային սնուցող մայրական կաթի հետ: Գրողի հեքիաթների հերոսները խտացնում են համամարդկային կարեւոր արժեքների համար պայքարող մարդ տեսակի նկարագիրը: Նրանք ուսման, արհեստի, աշխատանքի նկատմամբ հատուկ վերաբերմունք ունեն: Մանկական գրականությունը, մասնավորապես հեքիաթի ժանրը, երեխաների իմացական եւ զգայական դաշտերի վրա ազդեցիկ ներգործություն ունենալու մեծ հնարավորություն է տալիս: Հեքիաթի բովանդակության ճիշտ ընկալումը կրթադաստիարակչական մեծ ազդեցություն կարող է ունենալ մանուկ հասակից երեխայի ճիշտ դաստիարակության համար: Գեղարվեստական գրականությունը երեւակայական իրականության տիրույթ է ստեղծում, որտեղ յուրաքանչյուրը կարող է գտնել իրեն եւ դառ-



նալ հերոս: «Հեքիաթը դառնում է իրականության անձանթ կամ քիչ ծանոթ տարբերակները ճանաչելու եւ դրանք հասկանալու բանալի» (նույն տեղում): Հեքիաթը, որպես ժողովրդական բանավոր արձակ ստեղծագործություն, կոչված է ծառայելու հիմնական ունկնդիրների գեղարվեստական պահանջմունքների բավարարմանը (տես Чистов К. В., К вопросу о принципах классификации жанров устной народной прозы: VII Международный конгресс антропологических и этнографических наук, (Москва, август 1964 г.), էջ 5–7):


«Անահիտ» հեքիաթում դիպակը, իր առաջնային մշակությունից զատ, դառ-

նում երկխոսության միջոց՝ փորձության մեջ գտնվող թագավորի կյանքը փրկելու համար: Հեքիաթի ժանրն ուսումնասիրության տարբեր գիտակարգերի համար լավագույն հնարավորություն է տալիս: Այն թերեւս ազգային մշակույթն ու հոգեբանությունը բացահայտելու լավագույն տարբերակներից մեկն է:

Գեղարվեստական յուրօրինակ հնարանքով Աղայանը կարողացել է ներկայացնել հերոսների երկխոսությունը դիպակի միջոցով, իսկ դրա վրա զրկած Վաչագամ թագավորի ծածկակազերի-հաղորդագրությունը դարձրել դիպաշարային գործողությունների հետագա ընթացքն ապահովող միջոց: Հեքիաթի գլխավոր հերոսուհին՝ Անահիտը, որը նախադր (տավարածի) աղջիկ էր, կարեւորում է արհեստին տիրապետելու եւ թագավորի որդու ամուսնության առաջարկն ընդունում է միայն որեւէ արհեստ սովորելու պայմանով: Մտավոր եւ աշխատանքային դաստիարակության մասին Աղայանի մոտեցումներն ու տեսությունները բավականին հաջողված են: «Արհեստը մի այնպիսի բան է, որ ամենայն մարդ պիտի գիտենա թե ծառա լինի, թե թագավոր, թե իշխան» (Աղայան Ղ, Երկերի ժողովածու չորս հատորով, հ. 2, Եր., 1962, էջ 130) տեսակետը բոլոր ժամանակների համար էլ արդիական է եւ կենսական կարեւորություն ունի: Հեքիաթում արհեստի ուսուցման գործնական մշակությունը խիստ կարեւորելով՝ գրողը փորձում է վաղ մանկությունից երեխայի մեջ աշխատանքի նկատմամբ սեր արթնացնել: Աղայանը երեխաների ճիշտ դաստիարակության, աշխարհայացքի ձևավորման ուղիներ էր մատնանշում:

Շարունակությունը՝ էջ 4

ՀՈՎՀԱՆՆԵՍ ԿՈՉԵՌՆԻ ԿՅԱՆՔՆ ՈՒ ԳՈՐԾԸ



Սկիզբը՝ թիվ 14–16

Իսկ ինչն արդեն վերաբերում է Հայոց շարժական տոմարում վերադիրների խնդիրն, պետք է արձանագրել, որ վերադիրը հայոց շարժում լուսնի հասակն է՝ շարժական տոմարի նախորդ տարվա վերջին օրը՝ Աւելեաց 5-ին: Նշենք, որ վերադիրների համակարգն առկա է հայոց «Պատճենների» խմբագրություններում (*տես ՄՄ 3մր 1999, ք. 3 ք–4 ա, 192 ք. 3082, ք. 379 ք*): Աւելեաց 5-ին Լուսինը եղել է Գ (3) օրական, որը դարձել է հայոց մեկ թվականի վերադիրը: Ի տարբերություն Հուլյան տոմարի վերադիրների շարքի՝ Հայոց շարժական տոմարում վերադիրների համակարգը չունի 19-ամյա պարբերականություն. սրա պատճառի մասին կխոսենք ստորև: Հենց այդ պատճառով է, որ Անանիա Շիրակացին սահմանել է կանոն, որի համաձայն՝ հայոց թվականը բազմապատկվում է 11-ով, արտադրյալից հանվում է 8 համապատասխան գործը, ապա՝ նահանջի համարը, հետո պետք է գումարել 19-երյակի համարը, եւ

կատարվի վերադիրը: Վարդանյանը կարծում է, որ հիմնական կանոնից է ածանցվում յուրաքանչյուր նահանջի տարում 10, 19-ամյակի վերջին տարում 12 գումարելու յուրահատկությունը, իսկ եթե նահանջի տարին ու 19-ամյակի վերջին տարին համընկնեն, պետք է գումարել 11 (*տես Վարդանյան Ռ.,*

Անանիա Շիրակացու (Շիրակունու) համարողի ՇԼԲ կարգը, էջ 238): Կարելու է նաեւ նշել, որ վերադիրը ծառայել է նաեւ միջոց՝ Լուսնի փուլերի հասակը օրվա ճշտությամբ որոշելու, որի համար պետք է իմանալ նաեւ «Ոսկե թիվը»: Իսկ գտնել տարվա «Ոսկե թիվը» մշանակում է, թե տվյալ տարին լուսնի շրջանի կամ Մետոնի հայտնաբերած 19-ամյա պարբերաշրջանի որեորդ տարին է: Նշենք նաեւ, որ Հայոց մեծ թվականի եւ Հայոց տոմարի ամիսների 532-ամյա պարբերաշրջանի համար օրացույցներ կազմելիս Շիրակացին օգտագործել է ստորեւ բերված աղյուսակում զետեղված վերադիրների համակարգը, որը որոշ չափով տարբերվում է վերադիրների մյուս սխեմաներից (*տես Բաղայան Դ., էջ 298*):

Աղյուսակ 1

Ոսկե թվեր	1	2	3	4	5	6	7	8	9	10
Վերադիրներ	Գ	Ժ	Ի	Ե	ԺԶ	ԻԵ	Ը	ԺԸ	ԻԺ	Ժ
Ոսկե թվեր	11	12	13	14	15	16	17	18	19	
Վերադիրներ	ԻԱ	Ա	ԺԲ	ԻԳ	Դ	ԺԴ	ԻԵ	Զ	ԺԸ	

Աղյուսակ 1-ի տվյալներից պետք է ենթադրել, որ վերադիրների այս համակարգը կազմված է հաշվի առնելով նահանջ տարիները: Հայոց տոմարում նահանջ տարիների ընթացքում 11-ի փոխարեն վերադիրը 10 է: Եվ հենց այս է պատճառը, որ, ի տարբերություն Հուլյան տոմարի վերադիրների սխեմայի, այն չունի 19-ամյա պարբերականություն:

Հաջորդ խնդիրը, որ արժարծում է Հովհաննես Կոզեմն իր «Մեկնութիւն տոմարի» աշխատության մեջ, է-երյակի հարցն է:

Բերենք Հովհաննես Կոզեմնի «Մեկնութիւն տոմարի» աշխատության մեջ առկա հատվածը յոթներյակի մասին. «Իսկ Է-երյակի մասին, թե ինչու է ասում Գ. (3) գումարի կամ Դ. (4) հանել, որ յոթներյակը լիանա (լիություն առնի), եւ դյուրությամբ կգտնվի խնդրելին: Ապա եթե կամենում ես գիտեմ, թե որտեղից է ստացվում յոթներյակը, վերցրու՝ տարվա 34Ե. (365) օրերը, շաբաթները բաժանիր Է., Է. (7–7) օրերի, տարվա մնացորդները աճում են, մինչեւ լինի Է. (7), ապա կրկին առաջին է դառնում» (*տես Էյմաթյան Զ., Տիեզերագիտության եւ տոմարի մեկնություններ, էջ 86*): Հովհաննես Կոզեմնը կանոնը բերելիս հիմնականում կրկնում է Անանիա Շիրակացուն:

Հովհաննես Սարկավազի «Պատճեն տոմարի» աշխատության մեջ այս հարցի շուրջ կարդում ենք. «Եթե երեւակ այսպես (արա). կալ գթուականն, Գ (3) ի վերայ ած կամ Դ (4) ի բաց երթ եւ գայն երթ է (7) Է (7), որ մնա՝ եթե երեւակ է» (*տես Աբրահամյան Ա., մշվ. աշխ., էջ 205*): Սակայն մի հե-

տաքրքիր հանգամանք պետք է նկատել. ինչպես ասել ենք նախընթաց մեր խոսքում, Հովհաննես Սարկավազն անշարժացրեց Հայոց տոմարը եւ արդեն կանոններ սահմանեց Հայոց անշարժ տոմարի համար: Սակայն յոթներյակի կանոնը սահմանելիս նա հավատարիմ է մնացել եւ հիմք է վերցրել Հայոց շարժական տոմարի համար կարգված կանոնը, այլ կերպ ասած՝ նա չի խմբագրել մշյալ կանոնը: Կարծում ենք՝ պատճառն այն է, որ շատ մեծ տարբերություն չէր առաջանա Հայոց թվականը 7-ի կամ 28-ի բաժանելու դեպքում՝ մնացորդը հաշվելու կամ գտնելու խնդրով:

Հակոբ Ղրիմեցին իր տոմարի մեկնության մեջ անդրադառնում է յոթներյակին եւ արդեն մեզ ծանոթ իր հարցուպատասխանի ռճով հարցադրումներ անում եւ պատասխանում դրանց՝ բացատրելով տոմարական կնիքները: Այս պարագայում նա բացատրում է, թե ինչ է յոթներյակը, թե ինչու պետք է գումարել 3 կամ հանել 4: Անդրադարձ է կատարում նաեւ այն խնդիրներին, թե որտեղից է գոյանում, թե ինչու է պետք է գումարել 3 եւ այլ հարցերի (*տես Հակոբ Ղրիմեցի, Տոմարագիտական աշխատություններ, աշխ.՝ Զ. Էյմաթյանի, Եր., 1987, էջ 135, 227*): Ընդհանուր առմամբ որել է հստակ առանձնահատկություն կամ տարբերություն չնկատելով Հակոբ Ղրիմեցու մեկնության մեջ՝ չենք միտվի դրա մանրամասն քննությանը:

Հարկ է նշել, որ յուրաքանչյուր օրացուցային համակարգ ունեցել է տարվա յոթներյակը որոշելու կանոն: Հուլյան տոմարով յոթներյակը գտնելու համար պետք է հռոմեական թվականին ավելացնել 4 (կամ հանել 3), գումարը բաժանել 28-ամյա պարբերաշրջանի վրա եւ ամուսնելով քանորդը՝ վերցնել բաժանումից ստացված մնացորդը:

Շարունակությունը՝ էջ 7

Արհեստի դերի կարեւորումը Ղ. Աղայանի «ԱՆԱՀԻՏ» հեփաթում

Սկիզբը՝ էջ 3

Հեքիաթի աշխարհն իրականության ամենաճիշտ պատկերը համարելով՝ հեղինակը փորձել է գեղարվեստական գրականությունը ծառայեցնել նաեւ ճշմարիտ դաստիարակությանը, սնել եւ զարգացնել երեխայի երեւակայությունը: Հեքիաթներում վտանգի փորձությունը, կենսական դժվարությունների հաղթահարումը իրականությունում ըմբռնելու գործնական պահանջի անհրաժեշտությամբ էին պայմանավորված: Դրանք երեխայի՝ իրական աշխարհի ճանաչողության եւ բնավորության կերտման առաջին քայլերն են: Գաղափարական այս կարեւոր խնդիրը հեքիաթագիրը գործնական կիրառության մեջ է ներկայացնում՝ միանգամայն համոզված լինելով, որ արհեստի դերն ու մշանակությունը երեխայի ինքնագիտակցության մեջ պետք է արթնացնել մանկությունից: Երեխաների դաստիարակության վեհ նպատակներին էին ուղղված նաեւ «Աղբյուր» մանկապատանեկան ամսագրի տարբեր համարներում լույս տեսած հեքիաթները, որոնք առանձնապես են դիպաշարային տարբեր լուծումներով, իրենց արժարծած գաղափարների արդիական հարցադրումներով: Հեքիաթը երկու աշխարհների՝ իրական եւ երեւակայական տիրույթների միախառնման ինքնատիպ կենտրոն է դառնում: Դիպակում, գորգերում եւս ներկայացվում են այս երկու աշխարհները:

«Անահիտ» հեքիաթն իր թեմատիկ եւ բովանդակային շերտերով բոլոր ժամանակների համար արդիական մշանակություն ունի: Անահիտի՝ հայոց դիցարանի մայր աստվածուհու անունը կրող հերոսուհու կերպարում խտացված են հայ կնոջը բնորոշ ազգային յուրահատկությունները: Անահիտի համար սկզբունքային մշանակություն ունի արհեստին տիրապետելը: Այս

հերոսուհու համար հատկանշական է արտաքին գեղեցկության շեղությունը, որ ներդաշնակված է հոգու արիության եւ քաջության հետ: Նրա սկզբունքային բնավորությունը, արհեստի նկատմամբ պատճառաբանված վերաբերմունքը ստիպում են, որ թագավորի որդին եւս կարողանա տիրապետել որել արհեստի: Աղայանն այս հերոսուհու միջոցով գործնականում պատճառաբանում է արհեստավորի եւ արհեստի դերն ու մշանակությունը այնպես, որ նրան սիրահարված թագավորի որդին մեկ տարվա մեջ տիրապետում է ջուլիակությանը, դիպակ գործում: Վաչագանի՝ ոսկեթելից գործած բաճկոնացումը նվեր ստանալուց հետո Անահիտը համաձայնում է ամուսնանալ նրա հետ՝ խնամախոսներին պատասխանելով.

*Երբ կամճարանա,
Ջուլիակ կըդառնա:*

Ուշադրության արժանի է Անահիտի այս խոսքերի մշանակությունը, որ այս դեպքում թագավորի որդին եւս պետք է տիրապետի արհեստի. անհրաժեշտության դեպքում նաեւ արհեստավոր դառնա: Նույնպիսի հեքիաթի հետագա զարգացումը ցույց է տալիս, որ դիպակը կարեւորություն ունի ոչ միայն իր առաջնային մշանակությամբ, այլեւ կարող է նույնիսկ դառնալ երկխոսության, օգնության կարիք ունեցող մարդու խնդրանքը տեղ հասցնելու միջոց: Սա թերեւս փաստում է, որ դիպակի համար հատկանշական է ժամանակի եւ հեռավորության տիրույթներից պատմության, մշակույթի, գիտելիքների, հավատալիքների, աղոթքների, տարբերույթ տեղեկությունների եւ նյութական ժառանգություն փոխանցելու յուրահատկությունը: Այսպիսով, դիպակն իրադարձու-



թյունները կենցաղային իրականությունից տեղափոխում է գեղարվեստական գրականության տիրույթ:

Այն, որ ժողովրդական բանահյուսության մյուսերն առաջնային աղբյուր են եղել Աղայանի համար (հատկապես Մ. Խորենացու «Հայոց պատմության» մեջ տեղ գտած Արտաշեսի եւ Սաթենիկի հարսանեկան ծեսի պատկերն ընդօրինակվել է հեքիաթագրի կողմից), նկատելի է նաեւ հեքիաթի չափածո հատվածներից: Տպավորիչ են հատկապես Անահիտի եւ Վաչագանի ամուսնության տեսարանի շեղությունները, որ ներկայացված են հեթանոսական գրականությանը բնորոշ

շռայլությամբ եւ առանձնակի պատկերավորությամբ: Անահիտի եւ Վաչագանի ամուսնության տեսարանն ակամայից հիշեցնում է Արտաշեսի եւ Սաթենիկի հարսանիքի դրվագը.

*Անահիտի հարսանիքին ոսկի արեւ
փայլեցաւ.
Անահիտի հարսանիքին ոսկի անձրեւ
թափեցաւ.
Մեր արտերը ոսկի դառան, մեր հորերը
լցվեցան.
Մեր հարկերը անհետացան, մեր ցավերը
վերացան.*

*Շանտ ապրի Ոսկեծղի՛ն՝
Մեր մայր թագուհին...*

Հարսանեկան ծեսի պատկերավոր այս դրվագը ներքին գեղեցկություն, հատուկ գունավորում է հաղորդում հեքիաթին՝ ժողովրդական մյուսի աղայանական մեկնությանը ներհյուսելով ավանդական տարրեր, իսկ չափածո երգեցիկ հատվածները յուրօրինակ ռիթմ են հաղորդում հյուսվածքին:

Ուսման եւ արհեստի ներդաշնակությունն Աղայանը այդկերպ է ներկայացնում: Կարող ենք հավելել, որ արհեստը կարող է ամենագործածական կենցաղային տիրույթից դառնալ գեղարվեստական պատկերավորման առարկա, երկխոսության միջոց, ազգային առանձնահատկություններ ներկայացնելու լավագույն մոտիվ:

Վաչագան թագավորի եւ Անահիտ թագուհու՝ արհեստի արժեւորման եւ սեփական օրինակով բոլորին արհեստ սովորելու ցանկությամբ վարակելու, աշխատասիրությունը եւ արհեստը կարեւորելու միտումը դառնում է գովասանության եւ փառաբանության առիթ:

Շարունակությունը՝ էջ 6

ՄԿՐՏԻՉ ՆԱԴԱՇԸ ԲԱՆԱՍՏԵՂԾ

Սկիզբը՝ թիվ 11, 13, 15–16

Կյանքի անցողիկության պատկերումն է «Ողբ Նաղաշի վասն ճնշեցելոցն» բանաստեղծությունը։ Այն խոհ է կյանքի ու մահվան մասին։ Բանաստեղծը ցավով է ներկա-յացնում, որ իր պատկերացումներն այն մասին, թե աշխարհը տրված էր միայն ուտել-խմելու, կյանքը սիրելու, վայելելու համար, սին ու փուչ էին, եւ որ ամեն պատկերացում ու երազանք կարող ենի չիք դառնալ մահվան շնորհիվ (Սկրտիչ Նաղաշ, Տաղեր, էջ 158)։

Ես գիտէի, զաշխարհս ինձ մուլք էր տըւած, Ուտէի, խմէի հետ իմ սիրելեաց, Նայ մահն յանկարծակի հասաւ հետեւանց, Զինչ թատալիր ունէի, կիսկատար մնաց։

Մինչ մահվան մասին պատկերացում ունենալը՝ կյանքը գեղեցիկ էր թվում բանաստեղծին, սիրելի, հարազատ մարդկանց հետ նա միայն վայելում էր կյանքի գույները՝ առանց գիտակցելու, որ այս աշխարհում կա մահ կոչված երեւոյթը, որը կարող է բաժան-բաժան անել ամենքին ու ամեն ինչ՝ առանց վարանելու, առանց ուղղվելու եւ պատրաստվելու հնարավորություն տալու։ Մահը բանաստեղծին անգամ հոգու մեղքը թեթեւացնելու եւ աղոթք անելու հնարավորություն ու ժամանակ չի տվել (*Մույն տեղում, էջ 159*)։

Երեկ վարդի նման ես կու փայլէի, Սիրամարգի նման ի շուրջ կու գայի, Իմ սիրելեացն հետ զրոյց կու տայի։ Ես այս ատուրս իսկի խապար չունէի։ Ես գիտէի, թէ մարդն չի մեռանիր եւ աստեղի կենացս չի բաժանիլ, Իսկի աղօթք չարի, ոչ հոգոյս թատալիր, Նայ լեզուս կապեցաւ ի բերանս դաֆիի։

Յոգեբանական խոր ու նուրբ մոտեցումներով Նաղաշը պատկերում է սեփական մահվան շունչը զգացող մարդու անձնական դրաման։ Մարդ, որի համար ծանր է գիտակցել, որ այլեւս չի կարող տեսնել ու լսել ընկերներից, խոսել նրանց հետ (*Մույն տեղում, էջ 160*)։

Այ իմ սիրուն եղբայրք, հալալ արեք ինձ, Որ կերայ հանապազ աղ ու հաց հետ ձեզ։

Դժվար է համակերպվել աչքերի լույսի խավարմանը, ճարտար լեզվի կարկամելուն, դժվար է համակերպվել նրան, որ մահվան օրը մոտ է, որ հոգիդ եւ մարմինդ պետք է բաժանվեն իրարից։ Դժվար է սպասել մահվան։

«Այս իմ լուսով աչերս էր խաւարեցաւ, Եւ իմ ճարտար լեզուս վասն էր կապեցաւ, Մի՞ թե մեռանելոյ օրս մոտեցաւ, Եւ հոգիս ի մարմնոյս բաժնիլ կամեցաւ»։

Տաղը շարունակվում է հոգեհանգստի նկարագրությամբ։ Բանաստեղծ-հերոսը մինչեւ վերջ տեսնում է իր հոգեհանգստի արարողությունը եւ նույնիսկ կարծես թե դեռ որպես կենդանի էակ իր մասնակցությունն է ունենում։ Նա քահանաներին կոչ է անում չձանձրանալ եւ արարողությունը ամբողջապես կատարել (*Մույն տեղում, էջ 163*)։

Յոգետր քահանայք, դուք մի՛ ձանձրանայք, Զկարգս բոլոր ասեք եւ մի նեղանայք եւ զաշխատանքն ձեր ինձ հալալ արեք, Ես ձեզնէ հեռացայ, դուք բարով կացեք։

Եվ վերջում բանաստեղծը կրկին հարում է կրոնականին, հոգեւորին։ Մահացողը խնդրում է իրեն պաշար դնել, իր համար աղոթք անել, սուրբ Մարիամին բարեխոսել իր համար (*Մույն տեղում, էջ 163–164*)։

Երկար ճամփուս պաշար պատարագ դրեք, Ողբեք եւ աղաչանք, պաղատանք արեք, Ըզձեզ կու աղաչեմ զիս մի մոռացեք, Ըզկոյսն Մարիամ բարեխոսեցեք։

Այսպիսով, մահվան խնդրին նվիրված Նաղաշի բանաստեղծություններն իրենց արտահայտած գաղափարներով ձեռք են բերում համամարդկային ճանաչում ու արժեք, նրանցից շատերն անգամ դարձել են սգո երգեր։ Մահը որքան էլ բոլորին հավասար է դատում, բայց ողբերգական է, քանի որ մշանակում է հեռացում այս կյանքից։ Իրական կյանքն է սիրելի բանաստեղծի համար. ահա թե ինչու է նա ցավով մերժում այդ կյանքը տանջալից դարձնող արատները՝ ազաիությունն ու ռիսկայությունը, խրատում հեռու մնալ դրանցից։ Նաղաշի ստեղծագործությունների մեջ յուրահատուկ տեղ են գրավում օտար նվաճող-



ների եւ ներքին տերերի հարստահարությունների, կեղեքումների հետեւանքով քայքայված, աղքատության մատնված հայ ժողովրդի մի ստվար զանգվածի՝ պանդուխտների կյանքն ու վիճակը։

Իր կյանքի եւ գործունեության ողջ ընթացքում սերտ հարաբերությունների մեջ լինելով ժողովրդական լայն զանգվածների հետ, տեղյակ լինելով աշխատավորների սոցիալական ու տնտեսական ծանր վիճակին՝ Նաղաշն անհուն կարեկցանքով է լցվում կյանքի բնականոն ընթացքից դուրս մնացած պանդուխտների նկատմամբ։ Բանաստեղծը խոր կսկիծով է նկարագրում նրանց չարքաշ ու հարստահարված կյանքը, անապահով ու անպաշտպան վիճակը, հասարակական վիշտը։

«Չայ անհատական քնարերգութեան մեջ Սկրտիչ Նաղաշն առաջինն էր, որ լավագոյնս մշակած է պանդիստութեան թեման։ Ան չափազանց յուզիչ ու կենդանի պատկերներով ներկայացուցած է դարիպի կեանքն ու մահը օտարութեան մեջ։ Դարիպի կեանքը «լալի, ողբերգական» է, «լի տրտմութեամբ ի նեղ զմտան»» (*Յենրիկ Բախչինյան, Չայ միջնադարյան գրականություն, Երևան, 2006, էջ 175–176*)։

Չայ ժողովրդի ծննդյան օրվանից սկսած, գոյության ողջ ընթացքում եւ մինչեւ այսօր էլ, որպես հասարակական մեծագույն չարիք, պանդիստությունը կանգնած է եղել ժողովրդի ճանապարհին, անբաժան է եղել դարերի փորձություններն ու սպառնալիքները հաղթահարած ժողովրդից։ Սակայն իր վաղեմությամբ

հակառակ՝ պանդիստությունը գրավոր գեղարվեստական գրականություն է մտնում միայն 15-րդ դարում՝ Սկրտիչ Նաղաշի շնորհիվ։ Եվ թերեւս հենց այս փաստն էլ դառնում է Մ. Նաղաշի պատմական մեծագույն ծառայություններից մեկը, որ նա մատուցել է հայ գրականությանը։

Պանդիստության թեմայով Նաղաշի բանաստեղծությունները քիչ են, սակայն այդ գործերում Նաղաշը կարողացել է բացահայտել պանդուխտի հոգեբանությունը, պանդիստության հյուծիչ ազդեցությունը, կարողացել է մանրակրկիտ եւ շատ դիպուկ նկարագրել պանդուխտի չարքաշ կյանքն ու աշխատանքը, ողբերգությունն օտարության մեջ՝ հեռու հայրենիքից ու հարազատ մարդկանցից։

Առաջին հերթին Նաղաշի հերոսները աշխատավոր գյուղացիներ են, որոնք օտար նվաճողների եւ ներքին չարագործների կեղեքումների, հարստահարությունների, շահագործման ծանր լծի տակ ստիպված թողել են իրենց տունն ու հայրենի հողը եւ փորձել են օրվա հացը վաստակել պանդիստության մեջ։ Այս մարդկանց կողքին Նաղաշը դնում է նաեւ այն զանգվածին, որ անընդհատ պատերազմների հետեւանքով տեղահանվել է իր երկրից, տարվել օտար երկիր եւ մնացել բախտի քմահաճույքին։

Նաղաշի նկարագրած պանդուխտը կրում է կրկնակի տանջանքներ։ Նրան մի կողմից տանջում է հայրենիքի, հարազատների նկատմամբ անհուն կարոտը, մյուս կողմից՝ օրվա ապրուստ վաստակելու եւ հարազատներին էլ օգնելու հոգսը։ Պանդուխտի այսպիսի չարքաշ ու դաժան կյանքն է, որ նկատի ունենալով՝ բանաստեղծը գրում է (Սկրտիչ Նաղաշ, Տաղեր, Երեւան, 1965, էջ 61–62)։

Դարիպին կեանքն է լալի, ողբերգական, Դառն ու լեղի, լի տրտմութեամբ ի նեղ զմտան, Յորժամ լինի օտար երկիր թափառական, Դարիպն օտար ոչ ճանաչեն, ոչ գիտենան...

Օտարության մեջ ապրող պանդուխտի համար ոչ մի օր ուրախ ու լուսավոր չէ։ Լուսավոր չէ անգամ այն օրը, որի ընթացքում չի հալածվել, չի կեղեքվել։ Դառն է կերած հացը, քանի որ պանդուխտն ամեն րոպե ու վայրկյան՝ կուշտ թե սոված, քնած թե արթուն, մտքով հայրենի տանն է, հայրենի հողում, հարազատների ու մերձավորների կողքին։

Շարունակությունը՝ էջ 6

Եկեղեցին որոնե ընսանիք եւ կենսագործունեության օղակ

Սկիզբը՝ էջ 3

Խաչի վրա եւս Քրիստոս մարդկության մեղքն Իրենը համարեց, որպեսզի մենք էլ Նրա կյանքը մերը համարենք (*հմմտ. Բ 4որ. Զ 21, Ա Պետ. Բ 24, Ես. 49 4*)։ Նա, խաչի վրա ոչնչացնելով մահը, ամենքն առավ (*Յռ. Գ 25, Բ 4որ. Ե 14, 15*), որպեսզի մենք օրհնություն ստանանք (*Եբր. Բ 15*)։ «Միաբանեցին երկիրք եւ երկիր ի մահու Միածնին Աստուծոյ», ինչպես բնորոշում է Եղիշե աստվածաբանը (*Մույն տեղում, էջ 202*)։ Ըստ որում՝ Եկեղեցու ազգային լինելու գործառույթն ամենամեծ ցանկության դեպքում անգամ դուպլ-ինչ չի հակասում Քրիստոսի Եկեղեցուն (Աստվածաշունչն առլեցուն է այնպիսի դրվագներով (*հմմտ. Ծմնր. ԻԴ 3, ԼԴ 14, Ելից ԼԴ 15–16, Երկր. Օր. Է 3–4, 21. Ժ–13, Դատ. ԺԴ 13–14, Բ Եզր. Ժ 10–11*), որոնց մեջ ուղղակիորեն ազգային պատկանելության դերի կարեւորությունն ու ջատագովությունն (կա) եւ շարունակում է ներկայացնել այն։ Յենց միայն այն պատճառով, որ Եկեղեցու եության հաստատությունն ու անխախտությունն ապահովվում են Սուրբ Յոգու խամանծությամբ (*Գործք. ԺԵ 28, ԺԶ 6, Եփես. Դ 4*)։

«Սակայն յուրաքանչյուր Եկեղեցի ունի յուր ազգի հետ յուր պատմական կյանքը, եւ նա նույնպես զարգանում է ըստ մարդկային հառաջադիմության, առ որ ձգտում էին եւ առաքյալներն աշխատությամբ ու նահատակությամբ (*Եփ. Դ. 13, 4որ. 1. 10. Զեմ. 3. 18*)... ինչպես որ Յայաստանյայց Ս. Եկեղեցին անհատի փրկության համար է աշխատում, եւ ինքն եւս անհատով է իրականանում ու հառաջադիմում, այնպես էլ յուրաքանչյուր ճշմարիտ հավատացյալ հայ թե՛ Յայաստանյայց Ս. Եկեղեցու մի անհրաժեշտ ու բաղկացուցիչ



Սատան Թեոֆոր (1606–1676), «Սուրբ ընտանիք», ՅԱՊ

անդամն է եւ թե՛ անձամբ իսկ Եկեղեցի է, այլեւ Քրիստոսի հետ հավատքով միացած թե՛ վեմ ու հիմք է Եկեղեցու եւ թե՛ նորա հառաջադիմության նպատակ... Ուստիեւ Յայաստանյայց Ս. Եկեղեցու փառաց վառքի ժամանակ՝ «Ամենայն մարդ յանձն իւր Եկեղեցի էր, նոյն ինքն քահանայ. մարմինք իւրաքանչիւր սուրբ սեղան, եւ ոգիք նոցունց՝ պատարագ ընդունելի» (*Եղիշե*)։ Յայաստանյայց Ս. Եկեղեցին, հավատարիմ մնալով յուր էության գաղափարին, ոչ թե բաժանումն է մտցնում յուր պաշտոնյաների ու յուր ժողովրդի մեջ, այլ նա վարդապետում է, որ երկուքն էլ մեկ են, եւ միայն յուրաքանչյուրը պետք է յուրովսանն իրագործե յուր կոչումն Աստուծո արքայության իրականացման համար, մեկն՝ իբրեւ պաշտոնյա եւ մյուսն՝ իբրեւ Եկեղեցու մի անհրաժեշտ անդամ յուր նույնպես աստվածատուր շնորհներով։ Այս սկզբունքի իրական փաստը


հավատքի հանդիսում է փայլում. «Մի սիրտ յօժարութեան ամենեցուն արանց եւ կանանց, ծերոց եւ տղայոց եւ ամենայն միաբանելոց ի Քրիստոս։ Քանզի առիասարակ զմի զինուորութիւն զինուորեցան, եւ զմիական զրահս հւառոց պատուիրանին Քրիստոսի, եւ միով գօտեաւ ճշմարտութեան պնդեցին զմէջս արք եւ կանայք» (*Եղիշե*)։ Յայաստանյայց Ս. Եկեղեցին յուր ժողովրդի համար միակ ճանապարհը դեպի Աստված եւ դեպի երանություն ճանաչում է, որ յուրմով է։ Նորանով է թե՛ մուտքը Աստուծո արքայության մեջ, որ է ինքն իսկ, եւ թե՛ շավիղը դեպի կատարելություն, որ յուր մեջ է, ու թե՛ պատկանող ճշմարիտ ընթացքի կատարման վրա, որ յուրմով է երաշխավորված, իսկ ճանապարհի միակ լուսատունն ու լուսավորողն է Ս. Գիրքն, որ թե՛ կրթում է Յայաստանյայց Ս. Եկեղեցու զավակներին ու թե՛ աճեցնում ու զարգացնում Աստուծո շնորհաբաշխ ձեռքի տակ. «Որք իջին յարգանդ հոգետր աւագանին պարգեւօք ամենասուրբ Երրորդութեան, օրհնութեամբ եւ քահանայական խորհրդեամբք, եւ ծնանին Յոգւով ի Քրիստոս լուսաւորեալ», ասում է Ս. Գրիգոր Լուսավորիչն (*Յաճ.*)։ Ուստիեւ սկզբից ի վեր ճշմարիտ հայի սկզբունքն է. «Մի է մայր մեր Եկեղեցի, որ երկնեաց զմեզ, եւ մի է Յայր մեր Ս. Յոգին, որ ծնաւ զմեզ»։ դրոշմում է հայի ճակատին Սուրբն Յովսէփ։ «Յայր մեր զսուրբ Աւետարանն գիտեմք եւ մայր՝ զառաքելական Եկեղեցի կաթուղիկ», գոչեցին եւ հավատարմաբար

Յայրերն առմիշտ» (*Մույն տեղում, էջ 302–303*)։ Պայմանավորված այս սկզբունքով՝ Յայ Եկեղեցին, որպես հայ ժողովրդի ավանդական արժեքների եւ ստեղծարար ոգու թարգմանն ու երաշխավորը, դարեր շարունակ իրականացրել է կրթական ու լուսավորչական գործունեություն, հիմնել մատենադարաններ, դպրոցներ ու գրչության, մանրանկարչության օջախներ, ձեւավորել քրիստոնեական արժեքաբանական վրա խարսխված բարոյական արժեքներ ու մշակույթ։ Անուրանալի է իրավունքի բովանդակության վրա քրիստոնեության եւ մասնավորապես Եկեղեցու ունեցած դերակատարությունը։ Մասնավորապես Ը դարում Յովհան Օձնեցի Յայրապետի կողմից «Կանոնագիրք Յայոց»-ի ձեռնարկումը ոչ միայն նպաստել է ունեցել համակարգելու ծիսական ու դավանական հիմնահարցերը, այլեւ պահպանելու Եկեղեցու եւ ժողովրդի ազգային ինքնությունն ու դիմագիծը։ Գրեթե նույն նպատակին ընդառաջ՝ դեռեւս 356 թ. Ներսէս Ա Մեծի կողմից գումարվել է Աշտիշատի ժողովը, որտեղ ի շարս կազմակերպչական, բարեսիրական, ծիսական ու դավանական հարցերի՝ որոշվել է պայքար ծավալել պարսկական ազդեցության տարածման, հեթանոսական սովորությունների դեմ. բացել դպրոցներ, որբանոցներ, հիվանդանոցներ, անկելանոցներ, աղքատանոցներ ու այլ հաստատություններ։ Պետական ու քաղաքական իշխանության բացակայության պայմաններում, ազգն ու ազգային հարստությունը պահպանելու դիտակետից ելնելով, Յայոց Եկեղեցին իր ձեռքն է առել պետական կառավարման բնագավառները, կազմակերպել, ղեկավարել կամ մասնակցել ազգային-ազատագրական, հասարակական ու քաղաքական նախաձեռնություններին ու ձեռնարկումներին։

Շարունակելի

Խաահակ վրդ. ՊՐՈՄՍՅԱՆ

Արհեստի դերի կարեւորումը Ղ. Աղայանի «ԱՆԱՀԻՏ» հեփաթում



Սկիզբը՝ էջ 3, 4

Հեփաթի խորհուրդն ու ուսուցողական նշանակությունն արհեստին տիրապետելն է, ու անկախ այն բանից՝ մարդ սոցիալական ինչ կարգավիճակ կունենա, պետք է տիրապետի մի արհեստի: Դիպակագործության շնորհիվ հեփաթի հերոսները կարողանում են գերությունից ազատվելու ելք գտնել՝ փրկելով թագավորի կյանքը, որը դառնում է արհեստի հովանավոր ու պաշտպան:

Այս հեփաթի գործնական եւ կիրառական նպատակը երեխաների մեջ աշխատասիրության, արհեստի նկատմամբ սեր արթնացնելն է: Նովելային հեփաթում գովերգվում է ոչ միայն դիպակագործությունը, այլեւ ներկայացվում է աշխատանքի

տարանջատումը տղաների եւ աղջիկների համար: Աղջիկների համար բոլորից գորգեր գործելը, բամբակից՝ կտավեղեն, մետաքսից՝ նուրբ կերպասներ պատրաստելը, կարուծելը դառնում են աշխատասիրությունը եւ արհեստասիրությունը փառաբանելու միջոցներ: Երկրագործական տարբեր գործիքների պատրաստումը, պղնձից պատրաստված կահ-կարասին դառնում են արհեստավորի աշխատանքը ներկայացնելու միջոցներ: Արհեստավորի եւ աշխատավորի կատարած ծանր աշխատանքի նշանակությունը գնահատելու վերաբերյալ Աղայանն այսպես է արտահայտվում. «Ամառը երկիրն էր գործում, ձմեռն իր արհեստը բանեցնում» (*Մույն տեղում*, էջ 159):

«Անահիտ» հեփաթի գլխավոր հերոսուհու միանգամայն հակադիր կերպարի ենք հանդիպում Հովհաննես Թումանյանի «Անբան Հունի» երգիծական հեփաթում: Թումանյանի հերոսուհին կյանքի նկատմամբ այլակերպ մոտեցում ունի. նա հեփաթային հերոսուհու ծուկության եւ անգործության խորհրդանիշ կերպար է):

«Նա մեր գետերը ծածկեց լաստերով ու կամուրջներով, մեր ծովերն ու լճերը՝ նավերով ու նավակներով: Նա մեր դաշտերը ողողեց ջրանցքներով ու առուներով, մեր քաղաքներն ու գյուղերը՝ սառն աղբյուրներով: Նա մեր սայլերին հարթ ճանապարհներ տվավ, մեր գուլաններին՝ ընդարձակ երկիր: Նա կործանեց դժոխքը եւ մեր աշխարհը շինեց մի եղենական դրախտ: Կեցցե՛ Անահիտը, կեցցե՛ հավիտյան» (*Մույն տեղում*, էջ 160), – գեղեցիկ եւ աշխատանքային տարերքի մեջ ներկայացված պատկերով է ավարտվում նովելային

այս հեփաթը: Ուսման եւ արհեստի ներդաշնակությունն Աղայանը հետեյալ կերպ է ներկայացնում. «Ուսումն ու արհեստը պետք է այնպես հյուսված լինեն միասին, ինչպես Վաչագան թագավորի դիպակը իր խորհրդավոր թախսմաններով»: Մի արտահայտություն, որ նովելային այս հեփաթի համար դառնում է բնաբան եւ գործողությունների առաջնդիշ ուժ: Վաչագանի՝ Անահիտին ուղարկած դիպակը նկարագարող էր, բայց դրանք թախսմաններ չէին, այլ ծաղկագրեր. «Իմ անման Անահիտ, ես ընկել եմ սոսկալի դժոխքի մեջ: Այս դիպակ բերողը նույն դժոխքի վերակացուներից մեկն է: Ինձ մոտ է եւ Վադինակը: Դժոխքը գտնվում է Պերոժ քաղաքից դեպի արեւելք մի պարսպապատ մեխյանի հատակում: Եթե շուտ օգնության չհասնես, մենք կորած ենք հավիտյան», – գրել էր թագավորը:

Աղայանը բախտավորություն է համարում թագավորի՝ սեփական օրինակով իր ժողովրդի համար արհեստի հովանավոր եւ պաշտպան դառնալու հանգամանքը: Ակադեմիկոս Արամ Ղանալանյանը հեփաթի դերի եւ արժեւորման մասին գրում է. «Հեփաթների կենսունակության ու դարավոր հարատևության հետ են կապված նաեւ նրանց ժանրային-ստեղծագործական այնպիսի կարեւոր առանձնահատկություններ, ինչպիսիք են սյուժեների հարաբերական կայունության եւ տարբերակների առաջացման երեւոյթները: Հայտնի է, որ հեփաթային սյուժեները, գոյատևելով բազում դարեր, համեմատաբար քիչ են ենթարկվել փոփոխությունների: Նրանք հիմնականում պահպանել են իրենց գլխավոր հատկանիշները, իմաստաֆաբուլային մոտիվների զուգակցման իրենց ուրույն նկարագիր»

(*Ղանալանյան Ա., Հայ ժողովրդական հեփաթներ*, Եր., 1937, էջ 36):

Ամփոփելով՝ կարող ենք ասել, որ Աղայանի «Անահիտ» հեփաթը համակողմանի ուսումնասիրության հնարավորություն է տալիս: Ժողովրդական բանահյուսության ակունքներին մոտ գտնվող հեփաթագիրը կարողացել է արհեստը ներկայացնել սյուժետային այլ գծով՝ տալով դրա փրկարար նշանակությամբ կիրառական գործնական տարբերակը: Հնագույն առասպելաբանական պատկերացումներում դարբինը, բրուտն ու ջուլիակն էին առաջին արհեստավորները, որոնք ունեին աստվածային ծագում եւ արարչագործական կարողություններ (*տե՛ս Мифы народов мира. Энциклопедия, Москва, 1988, էջ 336*):

Աղայան հեփաթագրի օժտվածության մասին Դերեմիկ Դեմիրճյանն իրավացիորեն նշում է. «Հենց մանուկն սկսում է թոթովել՝ թոթովում է մանուկ Աղայանի հետ, սիրում է բնությունն ու մարդկային աշխարհը Աղայանի հետ: Մանկական վառ երեակայությունը լցվում է հայրենիքի, նրա ժողովրդի հարազատ ու սիրելի պատկերներով: Աղայանը մանկանը սովորեցնում է մայրենի լեզուն, սիրել է տալիս այն: Նա մեծանում է մանկան հետ, դառնում կրակոտ պատանի, եւ Աղայանը լցնում է պատանու հոգին ազնվության, ճշմարտության, քաջության եւ աշխատանքի գաղափարներով» («*Ղազարոս Աղայանը ժամանակակիցների հուշերում*», Եր., 1967, էջ 414):

Աղայանն ուսուցիչ-դաստիարակ էր, հմուտ գեղագետ, որն իր գեղարվեստական մեծարժեք ժառանգությունը ծառայեցեց նաեւ այդ վեհ գործին:

ԱՆՆԱ ԹՈՐՈՍՅԱՆ

ՄԿՐՏԻՉ ՆԱԴԱՇԸ ԲԱՆԱՍՏԵՂԾ

Սկիզբը՝ էջ 5

Պանդուխտին անընդհատ տանջում է հարազատների ու հայրենիքի կարոտը: Ահա թե ինչպես է նկարագրում Նադաշը պանդուխտի սրտի կսկիծը (*Մույն տեղում*, էջ 62).

*Ղարիպին հացն է լեղի, որ ճաշակէ,
Դառն ու լեղի, խառն արտասուօք ջուրն որ ըմպէ,*

*Թէ զօրն տան մուշ ու շաքար, որ ճաշակէ,
Երբ հառաչէ, նա ի սրտէն արիւն կաթէ...*

Բանաստեղծն ամենայն մանրամասնություններով է նկարագրում պանդուխտի օրն ու ապրելակերպը, դառն ու դաժան կյանքը՝ իր բոլոր կողմերով: Իր տաղերում Նադաշը հստակորեն շեշտում է պանդուխտի ազնվությունն ու այպարտությունը, աշխատասիրությունն ու առաքինությունը: Իր եւ ընտանիքի գոյությունն ապահովելու համար պանդուխտն օր ու գիշեր շրջում է, թափառում ամեն տեղ, խնդրում աշխատանք ու մի կտոր հաց տալ իրեն: Սակայն օտարության մեջ ամեն օր ու ամենուրեք պանդուխտն արժամանում է արհամարհանքի, ստորացման, կոպիտ ու նվաստացուցիչ վերաբերմունքի: Վաստակելու դեպքում էլ նրա ստացածն այնքան քիչ է լինում, որ հագիվ կարողանում է իր քաղցը բավարարել: Երբեմն Նադաշն ավելի ու ավելի է սրում իրավիճակի լրջությունն ու դառնությունը՝ խոր հուզականությամբ ցույց տալով, թե ինչպես հաճախ ազնիվ ու առաքինի պանդուխտները, աշխատանք ու գումար չգտնելով, սոված ու ծարավ, հուսահատությունից ընկնում են դռներում եւ սկսում ողորմություն խնդրել (*Մույն տեղում*).

*Ղարիպին վայն էր եկեր, երբ քաղցեմայր,
Երես ի քաշ փողոցներըն կու մուրայր,*

Շատոք փակեն գրուռն ի դիմաց, նստեր ու լայր,

Թէ կաթ մի ջուր ուզեր գերին, մէկ մի չիտայր...

*Ղարիպին աղքատությունն է խիստ դիժար,
Յամէն դիմաց էր նեղացած ու ճար չկայր,
Ղարիպն օտար էր ու պանդուխտ երկիր օտար,*

Թէեւ նա ուզեր գերին, մէկ մի չիտայր...

Այս էր հայ պանդուխտի ճակատագիրը, այս էր ժամանակի թելադրանքը հայի ճակատագրին՝ գերություն, պանդխտություն, ավեր ու ավար, սով, քաղց, օտարություն:

Նադաշը չի բավարարվում օտարության մեջ տառապող պանդուխտի միայն արտաքուստ երեւացող տառապանքը պատկերելով: Նա բացում է նաեւ իր կերպարների հոգեբանական դրաման: Պանդուխտը բացարձակ անապահով ու անօգնական է՝ թողնված բախտի քմահաճույքին, հատկապես այն ժամանակ, երբ հիվանդանում է: Այդ ծանր վիճակում, օտար, ցուրտ ու խոնավ պատերի տակ պառկած պանդուխտը հիշում է իր հարազատներին, դառը լալիս ու հառաչում (*Մույն տեղում*, էջ 63).


*Ղարիպն խեղճ էր, երբ յանկարծ
հիւանդանայր,
Յօտար փողոց մոխրաթաւալ անկեալ
կենայր,
Թէպէտ ուներ շատ սիրելիք՝ մէկ մի չկայր,
Եւ կայր անկեալ վերայ երեսին, դառն ու կու լայր:*

Աստիճանաբար իրավիճակն ավելի է լարվում: Վրա է հասնում պանդուխտի հոգեվարքի պահը: Մահվան ճիրաններում գտնվող պանդուխտը սարսափահար օգնության կանչ է անում, բայց նրան ոչ ոք չի լսում, նրա վրա ոչ ոք ուշադրություն չի դարձնում: Եվ մույնիսկ այսպիսի դժվար

րին պայմաններում դարիւր մտածում է տուն վերադառնալու մասին եւ իր մահկանացուն կնքում է աչքերը հայրենի եզերքը տանող ճանապարհին հառած եւ հարազատների կարոտը սրտում: Մահն անգամ չի փոխում պանդուխտի հալածական վիճակը: Բանաստեղծը ցավով արձանագրում է, որ մահացած պանդուխտի հետ օտարության մեջ վարվում են մարդուն անվայել կերպով: Մահացածի վրա լաց լինող չկա, եւ բացի այդ՝ նրա թաղման արարողությունը սովորականից ավելի կարճ է՝ առանց ընդունված արարողակարգերի (*Մույն տեղում*).

*Տես, թէ ինչ դառն է մահ ու կեանքն
ղարիպին.
Մէկ մի չկայր՝ զձեռքն խաչէր ի վերայ սրտին,
Ծիծաղելով առեալ տարան յեզեր հողին,
Մէկ մի չեկաւ անդ ի թաղումըն Ղարիպին:*

Պանդուխտության թեմայով գրված տաղերից յուրաքանչյուրում ակնհայտորեն երեւում են Նադաշի անսահման կարեկցանքն ու սփոփանքը դեպի պանդուխտը: Սրան զուգահեռ՝ վառ արտահայտված են նաեւ բանաստեղծի ատելությունն ու զայրույթը դեպի բարձր խավի ներկայացուցիչները: Բանաստեղծի հանդգնամբ՝ Ղարիպի նկատմամբ ցուցաբերվող վերաբերմունքն առաջին հերթին բխում է նրանից, որ նրանց նկատմամբ նվաստացուցիչ եւ դաժան վերաբերմունք ունեն վերնախավի ներկայա-



ցուցիչները՝ իշխաներն ու մեծահարուստները: Հիշենք, որ Նադաշն այդ մարդկանց անվանում էր ազահներ եւ ռխակալներ, որոնք իրենց բարեկեցությունն են ապահովում թալանելով մյուսներին:


Հետո Նադաշը մի պահ կարծես թե ցանկանում է ցույց տալ կյանքի անհավասարությունը: Մեկի սեղանը լի է բարիքներով, տեսակ-տեսակ ուտեստներով, իսկ պանդուխտն անգամ ամաչում էր մոտենալ այդ սեղանին եւ բավականանում էր միայն նախափնջներով տրված մի կտոր հացով (*Մույն տեղում*).

*Շատոք սեղան լինէր դրած հազար բարով,
Եւ զայր Ղարիպն ու մտանէր ամաչելով.
Նայ հազար գէշ ասեն նմայ նախատելով,
Ապա թէ տան կտոր մի հաց տրտնջալով...*

Շարունակելի

Վարդան ԵՂԻԱՋԱՐՅԱՆ
Բանասիրական գիտ. թեկնածու, դոցենտ

ՄԵԿԸ ԶՈՐԱՎԱՐԻ ԱՐԾԻՎՆԵՐԻՅ



«Ահա իմ բախտը, որով ապրում եմ շատերից երջանիկ...»
Ավ. Իսահակյան
«Գարիբաղիականը»

Նշեցրիս առջև է նա՝ Անդրանիկի զինվորը՝ թիկնել, վերծիգ, առնացի ու համակրելի կեցվածքով այրը, որն իրեն այնքան սազող զինվորական համազգեստով, բուն անելիքը չգտնող մարդու նման տխուր ու մտախոհ դեգերում էր Աշտարակի փողոցներում՝ հայացքը՝ թափառ, միտքը՝ տարիների հեռուն...

Սակայն հպարտ ու երջանիկ էր նա, քանզի սրտի մեջ Անդրանիկին ուներ...

Արեւմտահայ էր, Անդրանիկ Օզանյանի հայրենակիցը՝ նույն Սեբաստիա մահանգից։ Միհրան Չոլիանցի Ջաբարյան։ Տարաբախտ հայի ճակատագրի կամոք պիտի ապրեր անձկալի հայրական օջախից հեռու՝ նրա այրող կարոտանքով եւ վերադարձի մշտագո իույտով։ Ապրում էր այն հերոսական օրերի հուշերով, երբ ինքը՝ ջահել զինվոր, երակներում ահագնացած ուժ ու կորով, արդար իրեժով բորբոքում՝ կռիվ էր տալիս անգութ թուրքերի դեմ։

Պաշտելի զորավարի կողմից զորքը ցրե-

լուց հետո, շուրջ 60 տարի, մինչեւ խոր ծերություն ու մահ, քանի՜ ձեռք զինվորական համազգեստ մաշեց. ասել է թե՛ անվիատ, հավատով ու կանչի սպասումով՝ իրեն միշտ շարքում՝ զինվորի զգաց։

Երբ արդեն ծանոթներ էինք, միայն զինվորական հագուստ կրելու մասին հետաքրքրության պատասխանեց.

– Տղամ, գիտե՞ս, Չորավարս ինչ ըսած է մեռնելե առաջ՝ «Մահս չեմ հոգար, հեյ-վախ, գործս կիսատ մնաց...»: Հասկը-ցամ...

* * *

Առաջին անգամ նրան տեսել եմ Աշտարակի զինկոմիսարիատում՝ 60-ականների սկզբին։ Այստեղ ելումուտ անող բարձրաստիճան սպաների մեջ հենց երեսաց ռազմական այդ հիմնարկության ամենահամեստ «պաշտոնյան»՝ պարետը, անուսադիր շինելով ծերունազարդ Միհրանը՝ զորական մարդու իր առիթնող կեցվածքով, վեհորեն առանձնացավ մյուսներից։ Հանդարտաքայլ, վսեմ խորխորտալամ իջավ աստիճաններով, լուսեղեն մի հայացք սփռեց շարք կանգնած զինակոչիկներին վրա, աչքերով սիրեց, գուրգուրեց բոլորիս (ո՛վ գիտե՛ ինչե՛ր անցան մտքով...)։ Այնպես ձգող էին թիկնավետ զինվորականի նրա տեսքն ու հմայիչ ժպիտը, որ պատրաստ էիմք նույն պահին զինավառվել եւ Միհրան պապի հրամանատարությամբ մինչեւ իսկ աշխարհի ծայրը գնալ...

Նա մեզ առավել ձգեց, երբ խոսքի անազատության այն օրերում ոչ բարձրաձայն ասացին, թե Անդրանիկի արծիվներից մեկն է եղել...

Խաթարվել էր նրա կյանքը։ Ինչպիսի՜ նեղություններ էր կրել Անդրանիկի կամ, որ նույնն է, հայրենիքի զինվորը լինելու համար. բանտ, աքսոր, պարտադրված լուծություն, աղքատություն, նաեւ պետական արհամարհանք։

Հետո նոր ժամանակներ եկան։ Հավվեց լուծյան սառույցը։ 1965 թ. փետրվարի 25-ին, Հայաստանի հայրենասեր ղեկավար Յակով Ջարդաբյանի ջանքերով, առաջին անգամ հանդիսավորությամբ մշվեց Չորավարի ծննդյան 100-ամյակը։ Ժողովուրդը, իհարկե, չէր մոռացել իր հերոսին։ Եվ, ահավասիկ, մեծ հայրուկապետը գնահատվում էր պետական մակարդակով։

Տոն էր եւ իհն զինվորի տասնամյակներ կադավարված սրտում։ Հոգին լցվել էր երանությամբ, նա ինչպես էր աշխուժացել խնդությունից ասես խենթացել էր։ Ցնծահույզ բերկրումով աջ ու ախյակ բաժանում էր կենսաթոշակի ամբողջ գումարով զնած լրագրերի հոբելյանական համարները։ Նշխարի պես տալիս էր ծանոթ-անծանոթներին, հպարտ բարձրաձայնում.

– Աղբարս, քույրիկս, վերցնր, կարդա, Չորավարիս մասին է՝ Անդրանիկի, Անդրանիկ Չորավարիս...

Տարիների լուծյունից հետո լիահագագ գոռավ էր ուզում, բոլորին հասցնել էր ուզում իր սիրո, իր ցավի, իր հոգու կալանված ճիչը՝ «Անդրանիկ» սուրբ անունը...

1969 թ. աշնանը վրացահայ ընկերոջս հետ եղանք Ուջանում։ Մարդաշատ էր զորավարի՝ գյուղացիների համառ կամքով կանգնեցված արձանի մերձակայքը։ Անդրանիկի մարտիկներից մեկը՝ ճերմակահեր, բարետես արտաքինով Խորեն Քոչարյանը, հայրենասեր ուջանցիներին կապոցներով ընծա էր բերել՝ Ստ. Կուրտիկյանի «Պրոլոմյան հովտաշուշաններ» նոր լույս տեսած գրքից 100 օրինակ։ Երբ ասվեց, թե գրքում Չորավարի մասին պատմվածքների շարք կա, իրարանցում սկսվեց, եւ մեկ-երկու ակնթարթում մարդիկ միմյանց ձեռքերից թոցրին բոլոր օրինակները։

Բարեգործն ինքնաբավ ժպտում էր. մեծն հայրուկապետի մասին մեզանում տպագրված առաջին գեղարվեստական խոսքը ժողովուրդը որքան սրտալի ընդունեց, որքան անպարպելի սեր կա ժողովրդի երախտագետ սրտում...

Խորեն Քոչարյանին տեղեկացրի, որ հանգամանքների բերումով Աշտարակում է ապրում իրենց զինակիցներից մեկը։ Ուրախացավ, խնդրեց օգնել տեսակցեմ։

Այդ հանդիպումը... Նրանք մախ երկու քայլի վրա զսպված լուծյանք զննեցին միմյանց, ապա զորախմբերում իրենց տեղերը ճշտելուց հետո ուղիղ կես դար անց գտան, ավելի ճիշտ՝ վերագտան իրար։

Ու հորդացին զգացմունքները։ Պահանց Միհրանը նկատեց զինակից ընկերոջ կրծքին ոսկու փայլով շողշողացող «Ֆրանսիայում կտրված» Անդրանիկի պատկերով մեդալը։ Ալեկոծվեց։ Ջլապինդ մատները սեր ու բնքշանք դարձրած՝ խանդաղատանքով հպեց զորավարի դիմա-

պատկերին։ Հետո ծալվեցին իհն զինվորի ծնկները, խոնարիվեց զորավարի մեդալի վրա ու դողդոջուն շրթունքներով, գոց աչքերով համբուրեց, համբուրեց...

– Չորավարս, զորավարս,– շնջում էր կամացուկ, սուրբ աղոթքի նման, մի տեսակ վերացած՝ վերահաս հոգեւալացումի մեջ։

Այսքան էլ սէր... Եվ բացվեցին սրտի քարացած աչքերը...

Ամեն ինչ շիտակ էր մարդկայնորեն, բնական, հոգեբուխ...

Խորեն Քոչարյանը ցավով, բայց եւ անթաքույց հպարտության շեշտով ասաց.

– Գիտե՞ս, Միհրան եղբայր, Անդրանիկի զինվոր լինելու համար ամբողջ տասը տարի աքսոր եմ քշվել...

– Է՛հ, Խորեն, աղբարս, քսան տարի ավես...

Հանդիպումը, հիրավի, սրտաշարժ էր։ Շրջապատողներս՝ ակամա հանդիսատեսներ, խորապես զգացվել էինք։ Հազվադեպ պատեհություն. բեմ ու բեմականացում չէր, չկար ռեժիսոր-ռեժիսուրա, մեր առջև իրական կյանքն էր, կյանքի դրաման՝ իրական գործող անձերով...

Վերջին անգամ Միհրան Ջաբարյանին տեսա բարեկամիս լուսանկարչատանը։ Անդրանիկի այժմ շատ հանդիպող, բնօրինակ մի լուսանկար էր բերել եւ խնդրում էր ֆոտոնոմոսափ եղանակով իր նկարը գեներալի «քովը դնել»։

– Խառը տարիներ էին, չկրցա Չորավարիս հետ առանձին նկարվել... Քանի կապրիմ, այս մեկ նկարն ալ գլխուս վերեւը կունենամ, երբ մեռնիմ, հարկավ, հոգիս Չորավարիս կերթա...

Հետո այլեւս չտեսա ծերունազարդ զորականին։ Նրա մահն ու թաղումն էլ իր ապրած համեստ, անաղմուկ կյանքի պես աննկատ եղան...

Հանկարծ զգացի, որ մեր քաղաքի փողոցներից ուրույն մի երանգ է պակասել։ Ողորմի՛ քեզ, իհն զինվոր։ Երանի թե ապրեիր, աչքովդ տեսնեիր ազգային մեր վերագարքների, ֆիդայության վերածննդի քո փափագած օրերը եւ, մանավանդ, հայոց կանոնավոր բանակի զենքի ուժը...

Իսկ զորավոր Չորավարը, բոլորիս Չորավարը, վերադարձել, փարվել է հայոց սրբասուրբ հողին, մեր դյուցազնական հողին, քո հողին...

ՍԵՐԺ ՄԱՆՈՒԿՅԱՆ

ՀՈՎՀԱՆՆԵՍ ԿՈՋԵՌՆԻ ԿՅԱՆՔՆ ՈՒ ԳՈՐԾԸ

Սկիզբը՝ էջ 4

Յոթներյակի հարցի շուրջ պետք է նկատել մի առանձնահատկություն Հայոց ու Հուլյան տոմարների միջեւ։ Եթե պետք է յոթներյակը որոշել ըստ Հայոց տոմարի, ապա պետք է գործողությունից հետո ստացված արդյունքը բաժանել 7-ի, իսկ Հուլյան տոմարի դեպքում՝ 28-ի, քանի որ յուրաքանչյուր 4 տարին մեկ նահանջ տարի է։ Այդ պատճառով է, որ Հուլյան տոմարի պարբերաշրջանը հավասար է շաբաթվա օրերի թվի եւ նահանջ տարիների պարբերաշրջանի արտադրյալին (7 x 4 = 28) (այս մասին առավել մանրամասն տե՛ս Բաղալյան Դ., մշվ. աշխ., էջ 125)։

Պետք է նշել, որ հայոց տոմարական մատենագրական ժառանգության մեջ մեզ են հասել «Պատճեն տոմարի հայոցի» բազմաթիվ խմբագրություններ, որոնցում հեղինակները տարբեր կանոններով ու միջոցներով որոշել են արեւային տարվա եղանակները (Գարնամամուտ, Ամառամուտ, Ձմեռամուտ, Աշնամուտ), երկնային (աստղագիտական) երեւոյթների (Անկաստեղ, Ելաստեղ) եւ տոների (Հայտնություն, Տյառնընդառաջ, Ավետումն Աստվածածնի, Վերափոխումն Աստվածածնի, Սուրբ խաչ եւն) ժամանակները՝ Հայոց եւ շարժական, եւ անշարժ տոմարների ամիսամսաթվերով, ինչպես եւ բազմաթիվ այլ ժողովուրդների, մասնավորաբար՝ Հուլյան անշարժ տոմարներով (տե՛ս Միմոնյան Գ., Անկաստեղ (Տոմարական մի եզրույթի հետ-



քերով), Աստվածաբանության ֆակուլտետ, Տարեգիրք, Եր., 2017, էջ 36)։ Եթե տարվա եղանակները, տոների անվանումները որոշակիորեն հասկանալի ու ըմբռնելի հասկացություններ են, ապա «Անկաստեղ» ու «Ելաստեղ» տոմարական եզրույթները իհմնականում մանրազմիծ բնության առարկա չեն դարձել կամ էլ պարզապես հասկացվել են իբրեւ որեւէ աստղի արեգակնային անկումը կամ արեգակնային ամբարձումը՝ ծագումը, ելքը։ Եվ այս շատ կարեւոր խնդիրն է նվիրված Գ. Միմոնյանի ծավալուն հոդվածը, որը, կարծես, նոր շունչ է տալիս մշյալ եզրույթներին եւ դրանք դիտարկում խորությամբ եւ համակողմանիորեն (տե՛ս Միմոնյան Գ., Անկաստեղ (Տոմարական մի եզրույթի հետքերով), էջ 36–65)։

Այս խնդրին մեր անդրադարձը չպետք է տարօրինակ թվա, քանզի Անկաստեղի եւ Ելաստեղի վերաբերյալ կանոնի ենք առնչվում Հովհաննես Կոզեմնի «Մեկնութիւն տոմարի» գրվածքում։ Վերջինս ներկայացնում է հետեւյալ կանոնը. «Իսկ վասն անկաստեղն, զի ասէ «Ը. (8) ի վերայ նահանջի», վասն զի ի դնել թուականին անկաստեղն ի Մարտի Թ. (9) (պրոֆ. Ռ. Վարդանյանը «Մարտի Թ»-ն (9)

ուղղել է Մարտի Ը. (8), տե՛ս Վարդանյան Ռ., «Պատճեն տոմարի հայոց»-ի խմբագրությունների ժամանակի որոշումը (6–18-րդ դդ.), էջ 24), վասն այնորիկ պարտ է Ը. (8) ի վերայ, զի ամիսն զլիութիւն առցէ։ Նոյնպէս եւ ի Մարգացի ԺԹ. (19) (պրոֆ. Ռ. Վարդանյանը «Մարգաց ԺԹ»-ն (19) ուղղել է Մարգաց ԺԸ (18), տե՛ս նույն տեղում) էր ելաստըն, վասն այնորիկ ԺԸ. (18) ի վերայ պիտի ածել, զի ամիսն զլիութիւն առցէ եւ դիւրաւ գտանի խնդրելին»։

Ինչպես մշել ենք բազմիցս, Հովհաննես Կոզեմնի իր սահմանումները իմնականում վերցրել է Ամանիա Շիրակացու տոմարական ժողովածուից եւ Աթանաս Տարոնացու «Պատճենից», որտեղ հաստատում

թվերը հնարավորություն են տվել Շ-յակի առաջին քառամյակի կտրվածքով եւ Հայոց մեծ թվականի նահանջներով որոշել Հայոց շարժական տոմարի ամիս-ամսաթվերը՝ ըստ տարվա եղանակների եւ աստղագիտական երեւոյթների։ Հարկ է ընդգծել նաեւ, որ վաղ շրջանի տոմարագետները, որոնց թվում եւ Հովհաննես Կոզեմնը, վերցրել են Հայոց մեծ թվականի նահանջի թիվը եւ գումարել հաստատում թվին, անհրաժեշտության դեպքում հանել 30 եւ մնացորդով ստացել անշարժ օրերի Հայոց շարժական տոմարի առանձին օրերի եւ դրանց ամսաշարքի տարիները (տե՛ս նույն տեղում, էջ 25–26, ասվածի վերաբերյալ մանրամասն օրինակներ բերված են մշվ. աշխ.-ի 25–27 էջերում)։ Ներկայացնելով մի քանի կարեւոր տեղեկություններ Անկաստեղի վերաբերյալ՝ մշենք, որ Գ. Միմոնյանը ներկայացնում է այն վարկածը, որ «Անկաստեղ» եւ «Ելաստեղ» եզրույթները վերաբերում են ոչ թե ինչ-որ աստղերի (Բույլք-Բազումբ, Շնկան, Ալկիոն) անկմանն ու ծագմանը՝ ելքին, այլ Անկաստըն ու Ելաստըն այդ աստղերի կամ աստղաբույլերի կոնկրետ անվանումներն են։ Այս տրամաբանությամբ՝ Անկաստեղը պետք է հասկանալ Անկ կամ Չանկ անունով աստղի կամ աստեղատան անվանում, իսկ Ելաստըն՝ Ել կամ Եղ անունով աստղի կամ աստեղատան անվանում, ինչպես որ կարելի է հանդիպել տարբեր գրչագրերում կամ մեկնություններում։

Շարունակությունը՝ էջ 8

ԼՈՒՍԱՎՈՐ ՈՒՂԻ, ՈՐԸ ՇԱՐՈՒՆԱԿՎԵԼՈՒ Է

Գեւորգյան հոգեւոր ճեմարանի հիմնադրման 145-ամյակի առթիւ

Նայ ժողովուրդն իր բազմադարյան պատմության ընթացքում միշտ էլ կարեւորել է գիտությունը, դաստիարակությունն ու ուսումը: Մեր հայրենիքի տարբեր վայրերում հնարավորության դեպքում հիմնադրվել են գիտակրթական հաստատություններ, որոնք շատ հաճախ գործել են դժվարին պայմաններում: Սակայն նրանց ուսուցիչներն ու աշակերտները միշտ էլ ձգտել են բարձր պահել գիտական ու կրթական գործի մակարդակը, իրենց փոքր կամ մեծ վաստակն ունենալ հայ դպրության զարգացման գործում: Իսկ երբ հայրենիքում հնարավոր չի եղել բավարար ուսում ստանալ, բազմաթիվ հայորդիներ ուսման ծարավը ստիպված են եղել հագեցնել օտար երկրների կրթական հաստատություններում: Հայրենիքի համար դժվարին ժամանակներում, երբ մարդիկ հարկադրված հեռացել են հայրենիքից, ջանք չեն խնայել այլ երկրներում էլ կրթօջախներ բացելու, որոնցից շատերն այսօր էլ գործում են: Մերն ու հարգանքը գրքի նկատմամբ գրեթե պաշտամունքի են հասել:

Կրթական գործի կազմակերպման հարցում միշտ էլ կարեւոր է եղել Հայ Եկեղեցու դերը, որին կից են հիմնականում գործել ձեռագրատներն ու կրթական հաստատությունները, եւ որի նվիրյալներն են դարեր շարունակ իրենց գիտելիքները փոխանցել ուսում ստացող նոր սերունդներին: Հայ բազմաթիվ կրթօջախների շարքում իր առանձնահատուկ տեղն ու դերն ունի Մայր Աթոռ Սուրբ Էջմիածնի Գեւորգյան հոգեւոր ճեմարանը (Աստվածաբանական համալսարանը), որը գրեթե մեկուկես դար է, ինչ կրթություն է տալիս բազմաթիվ սաների: Ճեմարանի շինարարությունն սկսվել է 1869 թվականի մայիսի 25-ին: Հանդիսավոր բացումը կատարվել է ուղիղ 145 տարի առաջ՝ 1874 թվականի սեպտեմբերի 28-ին: Նույն թվականին Ռուսաստանի լուսավորության նախարարության վավերացրած կանոնադրության համա-



ծայն՝ ճեմարանն ունենալու էր երկու բաժին՝ դասարանական (6-ամյա) եւ լսարանական (3-ամյա) ուսուցմամբ եւ տալու էր հոգեւոր բարձրագույն կրթություն:

Հետո չի եղել ճեմարանի հիմնադրումը, դժվար է եղել նաեւ անցած ուղին: Գեւորգ Դ Կաթողիկոսը, որն արդեն տարբեր վայրերում հիմնել էր մի քանի կրթօջախներ, շատ ջանք է թափել, որպեսզի կարողանա հիմնել նաեւ այս հաստատությունը: Դժվարությունը միայն նյութական միջոցներ հայթայթելը չէր: Անհրաժեշտ էր գտնել հմուտ մասնագետներ, ստեղծել կրթական ծրագրեր ու դասագրքեր, տարբեր վայրերից սովորելու եկած աշակերտների համար կրթական ու կեցության պայմաններ ստեղծել: Մեծ դժվարությամբ իրականացված այս գործին հենց սկզբից եւս մի փորձուքում էր սպասվում: Փոքրաթիվ ուսուցիչներ եւ 65 աշակերտ ունեցող նորաբաց ուսումնական հաստատությունում բացումից ընդամենը 18 օր հետո՝ հոկտեմբերի 16-ին, հրդեհ է բռնկվում, որը տեւում է 12 ժամ: Հրդեհը զգալի վնաս է հասցնում,

եւ դասերը որոշ ժամանակ հնարավոր չի լինում կազմակերպել նորակառույց շենքում: Սակայն համգանակությունների շնորհիվ շուտով հաջողվում է վերակառուցել եւ վերանորոգել շինությունը, եւ վեց ամիս անց ժառանգավորաց դպրոց տեղափոխված դասերը նորից սկսում են ընթանալ ճեմարանի շենքում:

Կրթօջախն աստիճանաբար լայն ճանաչում է ստանում ոչ միայն Հայաստանում, այլեւ արտերկրում: Տարբեր տեղերից ուսանելու էին գալիս պատանիներ ու երիտասարդներ, որոնց արդեն դասավանդում էին մեծաթիվ բազմալստակ գիտնականներ՝ իրենց գործի նվիրյալներ: Գեւորգյան ճեմարանում դասավանդողների միայն անուններն թվարկումն արդեն իսկ պարզ է դարձնում, թե գիտամանկավարժական ինչ հզոր հաստատության էր վերածվել ճեմարանը՝ Հրաչյա Աճառյան, Հովհաննես Հովհաննիսյան, Հակոբ Մանանդյան, Լեո, Փանոս Թերլեմեզյան, Վարդգես Սուրենյանց, Քրիստափոր Կարա-Մուրզա, Մակար Եկմալյան, Գարեգին

Հովսեփյան, Ստեփանոս Մալխասյանց... Հանրաճանաչ այս անունների թվարկումը կարելի է շարունակել, բայց պակաս հանրաճանաչ չեն նաեւ ճեմարանի սաներից շատերը, որոնց մի մասը հետագայում նաեւ դասավանդեց իր հարազատ կրթօջախում՝ Կոմիտաս, Արմենակ Շահմուրադյան, Մանուկ Աբեղյան, Գեւորգ Չորեքչյան (Ամենայն Հայոց Կաթողիկոս (1945–1954)), Լեւոն Շանթ, Ավետիք Իսահակյան, Ակսել Բակունց, Դերենիկ Դեմիրճյան եւ շատ այլ երախտավորներ:

Հետո չի եղել ճեմարանի անցած ուղին՝ նյութական դժվարություններ, քաղաքական անբարենպաստ վիճակներ, փակում, վերաբացման փորձեր եւ ի վերջո նորից գործունեություն: Հնարավոր չէ մի փոքրիկ անդրադարձով ներկայացնել ճեմարանի անցած բարդ ու հարուստ ուղին, խոսել այդ ճանապարհի տարբեր հատվածներում իրենց մեծ կամ փոքր վաստակը բերած բոլոր մարդկանց մասին: Այդ ամենի մասին գրվել են բազմաթիվ գրքեր ու հոդվածներ եւ դեռ կգրվեն նորերը, որովհետեւ այսօր էլ շարունակվում է ճեմարանի ուղին, հաջողությամբ շարունակվում է Ամենայն Հայոց Կաթողիկոս Գարեգին Երկրորդի բարձր հովանու, աջալուրջ հսկողության ու հայրական խնամքի ներքո:

Ճեմարանի ներկայիս սաներն էլ նախկինների նման ուսանելու են գալիս Հայաստանի տարբեր մարզերից ու արտերկրից, եւ նրանց ուսուցման գործը Գարեգին վարդապետ Համբարձումյանի տեսչությամբ պատշաճ կերպով իրականացնում են ճեմարանի գիտամանկավարժական եւ վարչական աշխատակիցները: Համոզված ենք, որ ճեմարանի մասին հետագայում գրողներն արդեն կնշեն ներկայիս սաների ձեռքբերումներն ու նորանոր նվաճումները, որոնք անշուշտ լինելու են:

Արտաշես ՍԱՐԳՍՅԱՆ
Բանասիրական գիտ. թեկնածու, դոցենտ

ՀՈՎՀԱՆՆԵՍ ԿՈՉԵՌՆԻ ԿՅԱՆՔՆ ՈՒ ԳՈՐԾԸ

Սկիզբը՝ էջ 4, 7

Եվ քանի որ ուսումնասիրողը հանդիպում է նաեւ Անկաստողի Չանկբազմաստեղ հոմանիշին, ապա այս դեպքում վստահորեն կարելի է ասել, որ խոսքը համաստեղություն մասին է (*տե՛ս Սիմոնյան Գ., նշվ. աշխ., էջ 38*):

Իր տոմարի մեկնության մեջ Հովհաննես վարդապետը խոսում է նաեւ Գարնամանուտի եւ Չմեռնամուտի, Աշնամանուտի մասին, անդրադառնում է նաեւ մի շարք տոների՝ Սուրբ Խաչին, Աստվածածնի տոնին, Հայտնության ամսաթվին, Ջատկի տոնին եւ նրանց հաստատունների վերլուծությանը: Պետք է նկատել եւ ուրվագծել, որ Հովհաննես Կոզեմը նշյալ տոների ամիս-ամսաթվերը տալիս է Հայոց շարժական տոմարի ամիս-ամսաթվերով՝ ըստ Անանիա Շիրակացու կազմած 532-ամյա գատկացուցակի: Մենք Ջ. Էյնաթյանի հրատարակության մեջ նկատել ենք մի շատ կարեւոր բան. Ջատկի Լուսնի լրման հատվածում Լուսնի լրումը դրված է Մարերի Գ (3), իսկ Ջատկի Մարերի ԺԴ (14): Սակայն լրումը պետք է լինի ոչ թե Մարերի Գ (3), այլ Մարերի Է (7): Մեր կարծիքով դա գրչական սխալ է, որովհետեւ Ե-յակ-ի առաջին տարում Լուսնի լրումը Մարերի Է (7)-ին է, որը հաստատվում է նաեւ Շիրակացու գատկացուցակով: Հարկ է նշել, որ բերված երկու մեկնությունները ավարտվում են «Յաղագս երից ժամոց»-ով, որի հեղինակը, ըստ Էյնաթյանի, Կոզեմը չէ: «Յաղագս երից ժամոց»-ը ավարտվում է անչափ հետաքր-

քիր հատվածով, որը սահմանում է տառերի թվային արժեքները: Մանրամասն անդրադարձ չկատարելով մեկնության մեջ առկա բոլոր տոներին, աստղագիտական երեւոյթներին ու դրանց հաստատուններին՝ ուզում ենք ասել, որ պրոֆ. Ռ. Վարդանյանը վերականգնել է Հովհաննես Կոզեմի «Պատճենի» ամսաշարը (*տե՛ս Վարդանյան Ռ., նշվ. աշխ., էջ 100*), որը ավելի մատչելի ու կոնկրետ է ցույց տալիս տոների տոնման ժամանակը: Նշենք նաեւ, որ ամսաշարի աղյուսակի առաջին շարքի թվերի վերին սահմանն է 1004 թվականը, իսկ 2-րդ շարքի ներքին սահմանը՝ 1011 թվականը: Միջին թվականը ստացվում է 1007-ը: Ռ. Վարդանյանը նախապատվությունը տալիս է միջին թվականին՝ եւս մեկ անգամ շեշտելով, որ Կոզեմը «Ծռագատկի բացատրությունը» գրել է հենց 1007 թվականին, երբ եղել է Ե-յակի առաջին շրջապտույտի վերջին Ծռագատկի (*տե՛ս նույն տեղում*):

Նշենք, որ Ռ. Վարդանյանը, օր., «Պատճեն տոմարի հայոց»-ի խմբագրությունների ժամանակի որոշումը (6–18-րդ դդ.)» աշխատության մեջ բերում է նաեւ մի այլ աղյուսակ, որտեղ նշվում են անշարժ տոների, տարվա եղանակների եւ աստղագիտական երեւոյթների անվանումները, հաստատունները Ե-յակի առաջին շրջանի առաջին քառամյակում, հաստատունները առավարտի 1-ից հետո, հաստատունների փոփոխման ժամանակը եւ «Պատճենի» կանոնախմբի հեղինակը եւ ժամանակը

(*տե՛ս Վարդանյան Ռ., էջ 176*): Այդ աղյուսակից պարզորոշ երեւում է, որ Հովհաննես Կոզեմը խմբագրել է Գարնամանուտի եւ «Աւետիք այլազգեաց»-ի կանոնները: Խոսելով Գարնամանուտի կանոնի մասին՝ նշենք, որ նա 13 հաստատունը դարձրել է 8: Գարնամանուտի կանոնը փոփոխություն կրեց 1004 թվականից, եւ 13 հաստատունի արժեքը վերածվեց 8-ի: Վերջինիս մեկնությունը տվել է Հովհաննես Կոզեմը: 13 հաստատունի հետքեր գտնվում են ՄՄ Հմր 1973, 3846 եւ 2001 գրչագրերի «Պատճեններում», որոնք ցույց են տալիս, որ հաշվարկը գալիս է Ե-յակի առաջին շրջապտույտից (*տե՛ս նույն տեղում*, էջ 181): Հարկ է նշել նաեւ, որ ՄՄ Հմր 1999 եւ 3846 գրչագրերի «Պատճեններում» նույնպես առկա է 13 թիվը՝ իր հավելումով, այն է՝ «զաւելիւս հան», որը հենց նշանակում է 13 հաստատունի վերածումը 8-ի (*տե՛ս նույն տեղում*):

Ամփոփելով ասենք, որ 1007 թվականին Հովհաննես Կոզեմը գրել է «Մեկնութիւն տոմարի» աշխատությունը, որտեղ եղել է իր խմբագրած «Պատճենը»: Այդ երեւում է «Յարակայքի» տվյալների վերլուծությունից, «Աւետիք այլազգեաց»-ի եւ Գարնամանուտի կանոնների քննությունից, ինչպես եւ անշարժ օրերի եւ Հայոց շարժական տոմարի ամսաշարի տվյալներից: Հասկանալի է դառնում Մատթեոս Ուռնայեցու տեղեկությունը Ե-յակի վերջին Ծռագատկի (1007 թ.) մեկնության մասին, որը կապվում է Հովհաննես Կոզեմի եւ Գեւորգ Հնձեցու անունների հետ:

Հովհաննես Կոզեմը, հիմնվելով Անանիա Շիրակացու Ջատկի ճառի վրա, գրել է Ծռագատկի մասին մի գրություն-մեկնություն, որը եղել է «Մեկնութիւն տոմարի»-ում՝ որպէս նրա բաղկացուցիչ մաս: Ծռագատկի թվականը 1007-ն է, ուստի Մատթեոս Ուռնայեցին անուղղակիորեն տվել է «Մեկնութիւն տոմարի» աշխատության գրման թվականը (*տե՛ս նույն տեղում*, էջ 193–194):

Գոռ ԳԱԼՍՏՅԱՆ

ՔՐԻՍՏՈՆՅԱ ՉԱՅԱՍՏԱՆ

Կրոնական, մշակութային, լրատվական երկշաբաթաթերթ

Հիմնադիր՝

Մայր Աթոռ Սուրբ Էջմիածին

Հրատարակիչ՝

«Քրիստոնյա Հայաստան»
թերթի խմբագրություն

Գլխավոր խմբագիր՝

Աստղիկ Ստամբուլյան

Գրանցման վկայական՝ 624

Խմբագրության հասցեն՝

Մայր Աթոռ Սուրբ Էջմիածին

Հեռախոս՝ 517197

Էլ.փոստ՝ qristhay@etchmiadzin.am
astghikstam@gmail.com

web կայք՝

krishayas.wordpress.com

Ստոր. տպագր. 13.09.2019 թ.

Տպաքանակը՝ 1175